

五十八

聖

五十六

五十六

萬曆八年至十一年

國權

鹽官談遷孺木著

庚辰萬曆八年

正月丑朔前少傅兼太子太傅吏部尚書建極殿大學士呂調

陽卒調陽字

臨桂人嘉靖庚戌進士及第授翰林編脩

端慎簡重歷參政府值張君正僅捧手受成然意亦不欲附
之外溫中辨非專模稜者予祭墓贈太傅謚文簡

丙午禮部右侍郎兼翰林院侍讀學士余有丁為禮部左侍

郎署詹府事

已酉張居正辭太傅加祿百石

乙卯宣遠東之捷初東土蠻速把亥等乘河水入遠河犯錦義總督尚書梁夢龍等擊破之斬四百七十餘級

瞿九思曰蠻夷猾夏豈蔓延至今乎何其與之久也土蠻胡元苗裔又俺荅君長意中獨戀貢市事二十餘年乃卒不可得老死矣假令不殺工部吏卒即縛送把亥黑石炭等款塞如俺荅獻趙全故事即予之以市亦無不可者而乃欲以兵要挾我誰從哉禍福無門惟人所召土蠻始入遠終入薊實西三衛導之皆於土蠻無益自底滅亡

善哉乎王御史之言曰異時大可慮者終西非東也

吏部大計外官

鑄禮部祠祭司提督藥材庫關防

丙辰望夜月食

已未先是永豐梁汝元聚徒講學吉水羅巽亦與之游汝元揚言張居正專政常入都昌言逐之居正微聞其語露意有司捕之斃於獄已湖廣貴州界獲妖人曾光事竄汝元羅巽姓名云謀不軌汝元巽俱先死湖廣巡撫但具爰書下法司訊之并曾光亦非真也第據律論罪

辛酉少詹事兼翰林院侍讀學士何洛文為禮部右侍郎
癸亥國子祭酒陳思育為詹事府少詹事兼翰林院侍讀學
士署院事

增鉄嶺衛游擊

甲子前禮部 侍郎丘岳降河南布政司左叅政通政司左
右通政李勛李 降浙江湖廣布政司左右叅政

庚午

穆廟榮妃王氏薨

是月文華殿西角門柱礎上有天下太平字拭之不滅張君
正稱瑞 上臨視曰此偽也不憚而罷

于慎行曰宋史紹興二十八年廣州民家朽柱有文曰天
下太平秦檜大喜乞史館以飾和議之效古今矯飾其暗
合如此然曾考宋史必不為此

二 辛卯未朔日食

丙子禮部議塞山陵徑路責提督守備官植樹樵採
旌永壽王府奉國將軍秉積孝行

戊寅禮部尚書文淵閣大學士申時行^署詹事府事禮部左侍
郎兼翰林院侍讀學士余有丁主禮闈

庚辰南京國子祭酒許國為太常寺卿署國子祭酒

辛巳南京右春坊右諭德戴洵為南京國子祭酒
福建漳泉災賑之

乙酉南京太常寺卿徐濬致仕

丁亥謚淮王載堦曰恭

裁蘓松管糧叅政

戊子 上親祀先農壇耕籍田

癸巳南京光祿寺卿陳聯芳為南京太常寺卿

乙未司經局洗馬兼翰林院脩撰周子義清理軍政貼黃

應天府戶方良曙致仕

調南贛汀韶巡撫右僉都御史蒙詔外任各被論也

榮河知縣郝朝臣入覲科欵削籍仍下臺訊

大理寺左少卿賈三近為南京光祿寺卿

丁酉勅沿邊沿海各巡按御史覈餉依期以聞

戊戌蠲兩淮鹽場逋課二十八萬七千五百引

河上成加總理河道潘季馴太子太保工部尚書兼左副都

御史總督漕運江一麟右都御史兼戶部右侍郎漕運總兵

官靈壁侯湯世隆太子太保餘陞賞有差

己亥朱應禎嗣成國公朱世雍嗣武進伯

三月寅四川巡撫右僉都御史王廷瞻為右副都御史巡撫南
贛汀韶

甲辰翰林院編脩劉城為南京國子司業

乙巳吏部文選郎中蔣遵箴為太常寺少卿提督四夷館

丁未山西左布政使張士佩為右副都御史巡撫四川

戊申裁廬鳳淮揚本色馬匹

辛亥 上奉 兩宮太后率后妃謁陵發京師宿鞏華城

壬子 次感恩殿諭戶部捐所過田租

癸丑謁長陵永陵昭陵餘遣祭即日回鞏華城

遼東鎮夷堡火

甲寅還宮

東勝堡火

戊午俺荅表貢駝馬

庚申前刑部尚書閔煦卒煦字 任丘人嘉靖乙未進士

辛酉張居正辭政 上慰勞之

甲子策貢士蕭良有等三百人於皇極殿賜張懋脩等進士

及第出身有差懋脩兄敬脩在二甲得禮部主事俱張居正
子其策俱何洛文代為之

丙寅大雨

四劫申賑兩淮龜丁萬二千金

癸酉江北游饑賑之

丁丑故刑部右侍郎張紳予祭葬

戊寅日講官翰林院脩撰陳于陞歸省并令撫按存問陳以
勤

吏部左侍郎兼翰林院侍讀學士姬弘謨致仕

己卯陽夏王載堃私納妾生子冒請名封事發奪歲祿之半

子降封鎮國將軍其冒請名封俱革之

癸未南京右都御史謝鵬舉被論致仕

蠲陝西各縣帶徵錢糧

甲申禮部右侍郎余有丁為吏部右侍郎

先是夷酋趙銷骨羅王兀堂等數盜邊又千餘騎犯永真堡
李成梁追斬七百五十有奇名酋八俘一百六十人

周府鎮國將軍朝垵穢淫廢為庶人

丁亥太常寺卿署國子祭酒許國為詹事府詹事兼翰林院

侍讀學士

唐寅刑部左侍郎陳瑞為南京右都御史

辛卯宣遠東之捷

作薊鎮衛鋒器械總兵官戚繼光匠意以木拒馬臨戰先南
兵次騎次輕車四人運之如飛追一利器齊發步卒間出俱
長鎗篋篋

癸巳刑部右侍郎徐學謨為左侍郎左副都御史王篆為刑

部右侍郎

甲午封華奎楚王載堅淮王

弟載冷 珣 鈞 益 王 壽 鈐 福 安 王 克

燦宣寧王

丁酉左僉都為左副都御史司經局洗馬兼翰林院脩撰周

子義為國子祭酒

錦衣衛都督同知馮邦寧予告

戊戌南京兵部主事趙世卿言匡時五要選進之制當廣驛
傳之禁常寬大辟之刑當省催科之令當緩臺諫之氣當振
尋改楚府長史

閏四月己亥朔戶部言畿省積穀不敷工責有司通行查核毋

仍前弊戶部又覆山東撫按請勅責成分守道等筦營田

有旨朝廷法令宜從簡要墾田勸農地方官本職巡撫既有專勅何必又勅分守各道事不責實多言何益

庚子南京右僉都御史胡禎為左僉都御史

癸卯光祿寺卿傅孟春為南京右僉都御史提督操江

乙巳太僕寺卿胡嘉謨為光祿寺卿

丙午楚恭王次子華璧封宣化王

丁未脩皇極門改文華門視事

通政司右通政朱南雍為太僕寺卿

己酉山西布政司右叅政萬大亨為右僉都御史巡撫寧夏

故南京禮部尚書裴宇予祭葬

壬午遵化地震戊子止每日數震

癸未裁顯陵百戶張仁等二十人

總理河漕潘季馴奏復漕河舊制六月初旬於通濟閘築壩

九月下旬開壩下所司知之

己丑太子太保恭順侯吳繼爵改署右軍都督府

辛卯新建伯王承勛為前軍都督府僉書

丁酉總督倉場戶部尚書汪宗伊為南京吏部尚書

江西布政使呂鳴珂浙江按察使李承式各鑄三級嚴州

知府楊守仁淮安知府宋伯華各鑄六級調用寧州知州陸宗龍削籍俱違例乘傳被劾有旨清查驛遞何雷三令五申昨聖母遣外戚為朕祈嗣亦給贍費一役一人臣子乃玩法殃民耶

定江北積穀數廬州千四百石淮安千五百石鳳陽揚州二千八百石著為令

六月亥朔裁宣大威遠叅將及廣靈大山口守備

庚子戶部右侍郎劉斯潔署總督倉場事

辛丑福建左布政使勞堪為右副都御史巡撫福建

夜月食

丙辰王敬民劉三宅張世則顧問妣德重葉時新牛維炳王

三餘聶良杞丁汝謙楊廷相田大年李宗魯王鳳竹常居敬

馮露傳來鵬葉遵劉弘道吳瑄吳之美李國光為給事中瑄

之美國光並南京曹一夔吳定劉士忠任養心梅國楨馬允

登范鳴謙蔡夢說何倬丁賓楊楫邢侗赫瀛李廷秀徐鳴鶴

孫夢麟唐天祥孫洵顧爾行王國祚龔一英教選劉養元妣

士觀蘓萬民傅好禮王言易巽李士達鄭之亮郭惟賢王有

年徐奎星劉祐為監察御史巽等並南京傳來鵬貢士特授

工科給事中孫夢麟恩貢生特授四川道御史從御史龔懋賢之言

丁巳初遼東撫按臣議降夷新來者宜置兩廣巡撫周詠謂新降即遠追恐啟夷心上是之

穆廟敬妃莊氏薨

戊午謚晉王慎錡曰惠原武王睦栢曰莊惠

初鳳陽大雨水浸及泗州祖陵御史陳用賓以聞給事中王道成謂黃水未強僅雨集淮泗而清河口之不能洩則責在河臣總理河漕潘季馴謂黃淮合派因而霖雨漲溢若更蹂浸下派已深浚無可施欲更塞則上流難逆上令季馴相

度

已未河南巡撫右副都御史周謚劾罷

湖廣總兵官懷寧侯孫世忠罷

初夷酋阿尺孛來因停撫賞乘虛由喜峰路董家口支徑潛入青山口殺百總金良等

庚申上御文華殿講訖張居正奏今日講益者三樂損者三樂前日講三友兩章皆閔君德望留心省覽上優答之辛酉凌雲翼為兵部尚書兼右副都御史同潘季馴經理河

漕尋改季馴南京兵部尚書仍令俟九月水平赴任
乙丑大理寺左少卿褚鈇為右僉都御史巡撫河南
丙寅裁廣東監軍副使廣州兵備僉事貴州督糧叅政各一
丁卯張四維三年考滿進少傅兼太子太傅詹子入國子監
應天府丞申自脩為大理寺左少卿
裁京通二倉經歷六員

皇極門成

七朝未停納級列衛閑任不預事者衛所官通給半俸
壬申兵科給事中蕭崇業為光祿寺少卿

辛卯故後軍都督府僉書署都督俞大猷予祭墓

命兵部調營卒千人採薪供各廠燒造

癸巳前應天府尹阮一元卒一元字維貞長興人嘉靖

進士授行人選御史歷令官

甲午命定國公徐文壁知經筵事國子祭酒周子義翰林侍
讀羅萬化直經筵

巡撫廣西右副都御史張任卒任字
嘉定人嘉靖丁未

進士贈兵部左侍郎

大同井坪路大震

乙未左軍都督府僉書武靖伯趙光遠掌南京後府協同守備

蠲順天隆慶二年至萬曆六年逋租

是月西海貢夷丙兔越河掠番混擄漢人畜殺六人

五開衛軍叛據城攻掠

八月戊朔命畿省開屯田實數毋踵弊虛造

西寧侯宋世恩補左軍都督府僉書

土魯番入貢

庚子 上夕月西郊

甲辰陝西提學副使李維禎為河南左叅政

河南妖人雷崙等伏誅

戊申 上祀太社太稷

己未加俺荅次子不他失驃騎將軍常漢我不良台吉等百

戶兵勅一

庚申夜彗見東南有光芒至十一月望後始退

南京工部尚書沈應時致仕

量折廬鳳淮揚等被水田租

辛酉雲南布政司左叅政吳孔性擅乘傳覈免

壬戌巡撫福建右副都御史耿定向薦被察南京太僕寺少卿朱天球前按察副使陳紀林如楚林偕春吏科都給事中秦耀謂薦被察者為植黨市恩之漸上然之東浦寨酋鄭青輔等伏誅林道乾黨也

癸亥南京工部主事丁維城以貪免

乙丑大理寺左少卿辛自脩為光祿寺卿

丙寅兵部左侍郎楊成為南京工部尚書

丁卯續選推官劉朝璽為兵科給事中推官孫承南知縣傅

順孫為雲南山東道試監察御史

九刻辰朔臨晉縣隕霜殺稼

辛未選民女二百人尋罷之

壬申兵部右侍郎金立敬為左侍郎大理寺卿王友賢為右侍郎前戶部右侍郎郭應聘為兵部右侍郎兼右僉都御史

巡撫廣西

予巡撫寧夏右副都御史羅鳳翔祭壘

甲戌南京吏部尚書汪宗伊致仕

丁丑懷仁王府鎮國中尉廷圻有罪廢為庶人

戊寅起劉一儒為大理寺卿

己卯左春坊左諭德蕪翰林侍讀陳經邦侍講朱膺主武舉
辛巳慶府真寧恭簡王倪煥潘府雲和王銓鍾宿逸王恬燿
各卒無子繳印

壬午江西 守禦所舍人謝耀訐故御史劉臺暴橫鄉里
諸不法事時御史廬陵賀一桂知張居正嫉臺與巡撫王宗
載訂作奏資耀入京命下撫按訊之

南京刑部尚書何寬改南京吏部尚書

癸未裁福建督糧右叅政一鹽運司判官提舉司吏目又省
城並設三縣裁懷安縣

甲申裁遼東行太僕寺少卿及主簿廣西提舉司副提舉

乙酉吏部右侍郎趙賢為左侍郎刑部右侍郎王篆改吏部
南京右都御史陳瑞為南京刑部尚書

丙戌減山東均徭里甲銀九萬六千四百餘金

謚益府銅陵王翊鈺曰瑞僖舒城王載堉曰康簡懷慶王載
理曰懿

前戶部尚書馬森卒

以盜劫柳州武定縣降分守叅議姜忻知府李過春各一級
丁亥減福建里甲均徭銀六萬四千五百餘金

命貴州巡撫勒兵餉成書

安丘王府奉國中尉壽欵有罪廢為庶人

戊子大理寺卿劉一儒為刑右侍郎一儒尋移書張居正曰
竊聞論治功者貴精明論治體者尚渾厚自明公輔政立省
成之典復久任之規申考憲之條嚴遲限之罰大小臣工
、奉職治功既精明矣愚所過慮者政嚴則苛法密則擾今
綜覈既詳弊幾盡剔而督責復急人情不堪非所以培元氣
而存渾厚之體也昔臯陶以寬簡贊帝舜姬旦以惇大告成
主淪泆當世矩矱後世願明公法之居正得書不懌

林之盛曰萬曆初年江陵當國號能用人一時才臣無不
樂為之用、必盡其才或推轂至通顯假令以劉公之恬
退者繩諸公母乃趨炎少先幾之哲乎余謂業與江陵同
時江陵在政府無失得自當與之協恭乘時展布何必引
去務為名高至於奪情之後而猶隱忍在位甚至跡押保
留則有所不可耳若劉公早見其漸而恬淡避炙手之嫌
則又超然矣

己丑裁福建行都司屯局僉書

辛卯前福建總兵官都督僉事胡守仁為南京前軍都督府

俞書

壬辰順慶知府鄭遷撫州知府左之賢永昌知府單詩以違驛禁各降六級

甲午吏科給事中顧閔奏官生授職須資及六七年以上酌其才品轉部寺司屬或外府佐貳侯其請事陞知府藩臬其遠方知府選科目治行高等者為之勿輕畀恩廕部覆從之
乙未戶部左侍郎劉斯潔為南京右都御史巡撫保定右副都御史張鹵為大理寺卿

丙申甲字庫太監王効等稱闕歲額銀珠等料戶部尚書張學顏奏登極一詔盡停不急之務乞令各監局所器用量為停罷弗滋冒費 上然之

是月入寧遠興水縣堡失吏卒三十八人

十月戊戌免經筵

戶部右侍郎胡執禮為左侍郎總督倉場命今後倉場總督并戎政協理俱本部左右侍郎兼之不另設

逮南京工部主事陳春刑戶部主事蔡惟亨籍以南京戶科給事中王蔚論春在儀真貪縱惟亨在九江婪貨也

庚子德安府同知王子順通判張九思奪秩與安陸知縣張

汝介下臺訊以會飲景府遺火也

辛丑光祿寺卿辛自修為右僉都御史巡撫保定兼亮河道
巡撫湖廣右副都御史王之垣為戶部右侍郎

協理京營戎政兵部尚書楊龜請裁不許仍令吏部戒南京
冗職

禮科給事中帥蘭以淮揚蘓松等民饑乞撫按嚴察有司妨
者盡除之章下所司

癸卯南京太僕寺卿蕭廩為光祿寺卿

甲辰前南京右副都御史陳省以原官巡撫湖廣

乙巳太僕寺少卿李輔為南京太僕寺卿

賑常熟吳江長洲崑山餘蘓松常鎮量折田租

刑科給事中常居敬工五事慎初審禁濫獄戒苛濫速歸結
明律例從之

丁未劉世魯補太僕寺卿

豐潤伯曹文炳卒予祭葬

巡撫應天右僉都御史孫光祐請脩蘓松水利浚下涿則黃
浦婁江白茆諸港一築圩岍一疏溝壑報可

己酉東廠數犯錦義以有備而遁賞逸臣金幣

吏科給事中張世則上五事其端好尚以敦士風減驛傳以
溥實惠抑倖進以重武科部覆從之

庚戌復故黔國公沐朝弼爵從其子昌祚請也

蠲懷慶河南等府存留田租仍賑之戶部以河南撫按周鑑
許士良報遲謂舊例夏災不得過六月秋災不得過九月乞
再申飭報可

辛亥諭烏蠻知府安承祖輸餉母鰥願

申貢裁雲南督糧叅政

丙辰前荊州知府李元陽卒元陽字

雲南大理人嘉靖

進士選庶吉士忤時調知分宜憂去補江陰治最遷戶

部主事改御史按閩有聲守荊州識張居正於童時以學行

稱

丁巳降福建鹽運使杜思三級汀州知府李膺慶遠知府趙

成六級以違驛禁也

戊午覈光祿寺工供商人力乏者另補

庚申令定國公等莊田官收給各爵舍人支領

甲子定文武官選期俱雙月吏部二十六日兵部二十九日

乙丑琉球國中山王尚永入貢

十月丁卯朔劉嗣德襲廣寧伯

戊辰禮部尚書潘晟進太子太保

壬申徵戶部光祿寺各十萬金戶部言溢取非制且恃明旨
工從之命光祿寺進十五萬金給事中郝維喬蔡時新張
鼎思等各章請停不聽

丙子裁四川督糧右叅政鹽茶水利驛傳倉事叙馬瀘兵備
倉事各一

戶部請畿省清丈田糧定為八則一額失者清丈全則否一
委官各布政司總之分守兵備兼馬守令專本境一坐派田

如官民屯數等糧上中下數則各勘不得混一民種屯地即
屯糧軍種地民即納民糧一歲欺隱一定期一磨笑一處紙
札供應之費上從之

貴州苗坪大潭夷酋党猷

党良阿蓋等歸化納貢名其地

曰歸化入版籍

屬夷王兀堂等復糾衆犯寬奠堡副總兵姚大節追敗之斬

七十一級擒十七人賞大節金一鎰紵絲一

套犯錦義大凌河右屯李成梁分兵逐出塞賜金幣

丁丑裁雲南臨安叅將改設守備

戊寅 上夜宴感於內侍孫海客因杖二內使幾斃 慈聖
聞之不樂訓戒甚切 上悔悟降孫海客安置南京宣諭司
禮監等又示閣臣張居正等謂降斥未盡其辜宜充淨軍從
之明日復諭閣臣力諫使朕為堯舜之君居正奏司禮監孫
德秀溫恭兵伏局用海罪狀亦不在孫海客下宜各降斥其
各監等令自陳老成蕪慎存之諛佞放恣者汰 皇上亦宜
痛改戒飲宴以重起居專精神以廣繼嗣節賞賚以省浮費
卻玩好以定心志親萬幾以明庶政勤講學以資治理端趨
向以肅士風則 聖德愈光 上然之

司禮太監馮保自陳乞休不允

復貴州土舍安國亨冠帶先以東川動兵叅革至是以功贖
壬午裁廣東陽電海防及潮州陸路叅將并總鎮下把總各

一

癸未裁浙江料價徭編歲額八萬八千七百四十餘金

乙酉揚州鄉官前湖廣叅議常三省以淮婁高家堰且興工
揭其有妨祖陵以撓之總河潘季馴疏其舛謬請行勘 上
命仍築劄三省籍

戊子優卹故都指揮使楊亮以使「而沒

琉球國陪臣子鄭周鄭建蔡 入南京國子監

己丑錄廣東十寨功

戶部頒黃冊式

癸巳兵科給事中劉朝暉以論禮部左侍郎林士章通番私稅士章求罷且辨其誣部覆士章素清謹科臣出於風聞命留任

乙未蠲河南明年河隄夫銀六萬金

十辰丙申朔戒有司積穀備賑不得指名科罰

兵部考覈軍政

是月巡撫湖廣右副都御史陳省徵兵四千餘人分道討五開衛叛軍叅政賀邦泰僉事龍宗武叅將鄧子龍擊破之斬數十人

辛巳萬曆九年

正月己諭脩武英殿張居正等言殿自宣德正統後久不臨御世宗皇帝初脩文華殿易黃瓦凡齋居經筵召對多於此請仍舊貫免浮費從之

庚午大風霾 上慮邊警諭閣臣傳兵部及薊遼宣大總督

知之

辛未 工享太廟

裁戶部浙江湖廣河南福建廣東廣西司主事各一江西雲
南山東四川山西貴州司各二陝西司三禮部儀制祠祭主
客司主事各一鑄印局副使一兵部武選司郎中車駕職方
司郎中各一優給主事一管存卹主事一武科司管京衛武
學主事一刑部各司主事各一工部營繕司管重城員外郎
一屯田司管臺基廠主事一虞衡司管遵化鐵冶郎中一雜
造局大使一都察院司獄一右通政一騰黃右通政一左評

事一順天管軍匠通判各一都稅司正陽門分司各副使一
助教四學錄一太常博士一協律一贊禮郎三司樂十二光
祿寺典簿一大官署丞一尚醫司丞一上林苑監蕃育署良
牧署錄事各一戶科四禮科二兵科五刑科四中書舍人二
行人司右司副一行人五詹事府錄事一限所裁官歲內除
補

提督狼山副總兵戚繼美為南京右軍都督府僉書
癸酉套一 二萬餘騎寇遼東大鎮堡攻錦州分掠小凌河松
山杏山總兵李成梁馳援斬十八級明日一退

甲戌「五百騎餘犯連陽長寧堡副總兵曹簾擊斬五級游擊周之望陣沒

命太監脩正一真人張國祥祖壇廟工料給事中王道成等言非制上納之

乙亥賜山陽王俊柵書院額曰樂善

丙子試監察御史范鳴謙言本月風霾傳飭邊備但邊防當飭而內治尤當修如刑罰未當乞有司不許混監貪墨未悉乞新選官不許借貸菜蕪未墾乞淮安鳳陽官留心農事盜賊未殄乞有司不許欺蔽而大要在君心之脩省起居以時

嗜慾以節講筵毋憚詳問云云報聞

戶部言白糧原民運例雇民船萬曆元年題造官船近謂窒碍難行乞仍令糧長雇五百料船以輸報可

丁丑宣府副總兵賈國忠為署都督僉事
將軍總兵官

鎮守延綏

己卯時上好書法張居正等言日講諸臣皆文學優瞻見記汪起后外餘官宜日保直四員如皇上萬幾之暇披閱古文或採錄或鑿賞或題咏即屬諸臣具草送臣等閱定工嘉納之命具職名以上

庚辰遼東鎮靜堡地震聲如雷

辛巳裁南京吏禮兵刑工侍郎各一太常司丞一太常少卿
一戶部湖廣司員外郎一山西雲南司主事一工部虞衡司
主事一左右評事各一太常寺山川壇奉祀一鴻臚寺鳴贊
一序班一應天府管馬通判五城副指揮各一留守五衛千
戶所吏目各一

丙戌命翰林侍直諸臣各賦一詩以進

減順天永平均徭銀五萬七千四百金有奇

丁亥 上御文華殿出 宣宗玄免圖示內閣及侍直諸臣

各以詩上凡三十五首

戶部定京省編徭銀順天湖廣陝西四川實編銀二十九萬

六百有奇減十一萬九千七百金陝西實編銀五十一萬七

千九百有奇減十萬五千九百金湖廣實編銀五十七萬三

千七百餘金減十一萬九千七百四川實編銀五十二萬九

千有奇減五萬六千有奇刊帙永為例

命吏部今後南京戶部山西司管糧主事由內除鳳陽倉定

三年視邊鎮管糧即中例聽覈

戊子兵部請大閱命定三月三日

己丑夜月犯南斗魁第三星

辛卯吏部內計大臣例自陳工部右侍郎王友賢致仕太僕寺卿朱南雍調南京

二月未朔吏部尚書王國光考功郎中孫惟清察處朝臣二百六十四人前建言成斥諸臣艾穆沈思孝趙用賢朱鴻謨等預馬翰林編脩公冢臣請澤州判官

丁酉遼東總兵官李成梁擊虜於禩郎兔敗之時東土藥黑石炭等駐塞外謀犯廣寧成梁知之於正月甲申出大寧堡離寨四百餘里至禩郎兔值擊走之次日來追又戰

共斬三百四十三級獲馬四百三十夷器八百俘大酋八人

戊戌入塞捷上告廟

甲辰右通政郭廷梧太常寺少卿陳三謨調南京

上欲宴永年伯王偉弟子世職閣擬錦衣衛正千戶上諭

正德間外戚夏助等並錦衣衛指揮使世襲何止千戶又不

世也張居正等言世宗皇帝末外戚官例不世故泰和伯

陳萬言子紹祖止授尚寶司丞隆慶間因安伯陳景行子昌

言止錦衣千戶前皇上授昌言指揮僉事嘉言副千戶武

清伯子文全錦衣衛指揮僉事文貴副千戶俱無世襲次日

復傳德平伯李銘例居正奏李銘弟錦衣百戶鈺乞陞指揮
僉事此時並不膺授其子至李銘沒子舍人鶴乞襲陞都督
同知不為例按李鈺於祖職上加級非膺授也鶴蒙特見亦
非生前膺授也 上乃從之

工科給事中劉弘誨乞敦儉朴省織造將令織造段匹停緩
降新樣必不容已量酌減數報聞

丙午加賜泰寧衛都指揮僉事虎兔慈虎兔孛來朶顏衛孛
兒勻福餘衛脫力赤疇吉兒衣一襲幣三嘉其忠順也
汰蘊松徽寧兵備所轄官共七百七十九員

三月丑禮部右侍郎何洛文為左侍郎詹事府詹事兼翰林院
侍讀學士許國為禮部右侍郎仍充副總裁兼纂脩事

撫治鄖陽右僉都御史楊俊民為右副都御史巡撫山東時
議革撫治鄖陽

左僉都御史胡禎為左副都御史太僕寺卿劉世曾為右僉
都御史巡撫雲南

丙寅 上大閱

丁卯 上御皇極殿總理京營彰武伯楊炳等上表謝百官
表賀命百官休沐三日營軍免旬日又諭兵工二部兩廠所

作盈甲粗率照營更作五千副給官軍每歲作千副期五年
務精堅

庚午張居正進大閱圖并詩頌賚營軍人各二緡

甲戌始講訓錄類編

薊遠總督梁夢龍等奏遵化鉄冶麻歲辦鉄二十萬八千斤
價止二千七百餘金而專設官吏軍役費逾萬金宜盡革從
之

乙亥遼東三萬衛松山堡災

丙子侯拱宸尚壽陽長公主

戊寅前總兵張臣傳津下臺訊以臣署印擅用題奏津擅離
任也

己卯宣遼東之捷告廟稱賀

庚辰都察院覆遼東撫按周詠于應昌按劉臺贓私狼籍已
江西撫按王宗載陳世賢奏臺合門濟惡擬戍邊追告身從
之臺戍潯州中道死亦宗載中之也

辛巳總督倉場戶部左侍郎胡執禮致仕

定畿內積穀酌工中下三則

鑄整理西安兵糧清軍驛傳屯鹽水利道及府江兵備兼分

巡道閱防

賞遠東功

巡按江西御史陳世寶言鄧子龍贓罪宜除名 工惜其智
勇准納贖不許推用

壬午造大祀十二章衮服皮弁服

樂安王多燠等乞罪宗子孫名糧不許

代府太平王鼎鉉恭王庶長子也嘗誣誤令戴罪攝事五年
至是改行命嗣代王

關山游擊朱先為廣西左叅將分守潯梧

癸未薊鎮昌平邊牆成加梁夢龍太子少保戚繼光廕錦衣
百戶楊四畏右都督餘優叙有差

乙酉刑部右侍郎劉思問為戶部左侍郎總督倉場

總督糧儲南京戶部右侍郎程嗣功致仕

寬奠副總兵姚大節以功署都督僉事

提督京城內外巡捕王化熙為南京前軍都督府僉書

丙子賜壽陽長公主莊田二千五百餘頃

庚寅顯陵祠祭署奉祀戚臣蔣華舊同鎮守勲臣行禮既裁
勲臣華專祭禮部以秩卑乞分守叅議代攝 工不許如蔣

華有別故暫許分守官

禮科都給事中帥蘭工學政八事文體宜正試規宜詳云云
上允之

辛卯南京大理寺卿陳道基為南京戶部右侍郎總理糧儲
癸巳賜張居正御書曰總百官張四維曰德維一申時行曰

同心匡弼

停漕運理刑主事

連城縣多虎狼

四卯午朔巡撫南贛汀韶右副都御史王廷瞻為南京大理寺

卿

丁酉南京鴻臚寺卿張煥為右副都御史巡撫南贛汀韶

賑解州夏縣等饑民

己亥蠲河南各衛所所負萬曆六年以上班銀

庚子兵部尚書方逢時致仕逢時被拾遺以大閩留之

癸卯監造漕運剝船叅政胡定管廠員外郎陳英工作不堅

雖陞任各罰俸半年

乙巳工憂旱遣告郊壇禱雨

丁黑石炭以見鄧小夏青等犯長安堡遠陽副總兵曹蓋追

至堡東中伏千總陳鵬把總曹汝楫失亡三百人馬四百八十餘匹掠我男婦殆三百人免置官

去秋盜劫丹陽賀氏巡道孫光祐報在十月各奪俸有差
丁未總督兵部尚書梁夢龍回部

衡府寧陽王載埉與次兄載圭俱衡莊王妾王氏出命載圭
進封衡王故王氏追封繼妃載圭薨叔弟載封應嗣而載埉
以母封繼妃冒嫡親王爵命繼妃改正

己酉詔壽陽長公主五日一朝
蔚州地震聲如雷

戶部以外進金花銀不敷宮費太濫乞加意樽節停買辦庶
復舊額上不聽以午節近暫以太倉銀庫抵進

詔再免河南班軍三年扣價解班資造工器
庚申俺荅求番僧命前番僧堅叅札巴等往

巡撫寧夏右僉都御史蕭大亨改巡撫宣府巡撫甘肅張夢
鯉為大理寺卿

五朔亥朔蠲河南各項逋賦

甲子前南京戶部右侍郎栗永祿為兵部右侍郎兼右僉都
御史巡撫甘肅太常寺卿呂藎為南京右僉都御史提督操

江蕪巡江事

禮科都給事中帥蘭等以旱癘乞脩省從之

給番僧原兒只唱與僧徒百思骨兒各勅圖書以俺荅陳乞也

乙丑鑄武昌湖北上湖南下湖北荆西各分守道及辰州府
筦糧通判關防

丙寅廣東從化增城龍門等縣大雨水滄人畜田廬亡筭

丁卯湖廣左布政使晉應槐為右僉都御史巡撫寧夏贊理
軍務

右春坊右中允高啟愚為國子祭酒

清出勲戚莊田二萬二千七百二十五頃有奇例徵四萬一
百六十金

戊辰鎮江知府鍾庚陽海防同知張廷梧降三級以失盜未
獲也

陝西寧化王府庶宗伴哥弑母殺弟伏誅

庚午代府鎮國中尉廷堞奉國將軍俊柳等沮撓丈田稱赴
關擅出城樹旗不許關截巡撫賈應元以聞有旨廢俊柳庶
人餘革祿仍丈田如故

辛未裁南京大教場等營把總八員

戶科給事中牛惟炳論禮部侍郎王錫爵女曇陽子妖妄

丁丑南京河南道御史陳王道採訪不報為右都御史劉斯
灤所糾調外

戊寅釋高墻廢人倪熒憲櫛旭棋家屬

庚辰裁湖廣總兵官懷寧侯孫世忠

鑄太僕寺督理馬政閔防

甲申雲南道御史孫承南論大臣舉動亂常指王世貞曇陽
子傳及世懋豐惑人心報聞

乙酉定保定等六府均徭銀九十二萬一千一百四十餘金

戊子南京禮部尚書林士章太常寺卿張鹵被論命罷鹵已

士章引疾致仕

開原道兵備副使楊邦憲久不赴任免官聽勘

議浚任丘滹沱河

辛卯太僕寺少卿裴應章議馬政歸併屯軍時南京湖廣道
御史于有年乞裁無用種馬

兵部覆議變賣種馬曰洪武初馬皆官牧二十八年令民牧
永樂十年行於永平等七府宣德四年行於兗州三府正統

十一年行於河南彰德等四府弘治六年太僕寺少卿彭禮以戶丁有限請止設種馬十萬匹歲取駒二萬五千匹始有定額正德二年御史王濟以戶馬日弊請令民買解嘉靖間浙江道御史錢璞等請變賣南通州等七州縣馬四千一百八十六匹二十九年應天都御史翁大立亦議之隆慶二年太僕寺少卿武金請種馬盡數變賣命革一半以蘓民困萬曆二年直隸巡按御史胡秉性請變賣安東等四縣馬七百五十四匹至今存者累芻牧革者累津貼其他勞費難以悉數蓋種馬原額十二萬五千三百六十六匹今太僕寺存額一萬八千有奇見馬四萬一千有奇南京太僕寺額三萬七千四百六十六匹實一萬四千八百一匹若盡變價收貯太僕寺以蘓山東河南兩畿之困草料折徵歲十二萬五千金有奇積十年可得百萬工從之盡行變賣

六明午協理戎政兵部尚書楊元致仕

乙未定江北七府均徭銀七十九萬七千九百七十四金減十二萬五千一百九十餘金

後軍都督府都督僉事胡守仁為總兵官鎮守貴州

丁酉南京太僕寺卿李輔為南京太常寺卿

兵部上各鎮主客兵馬錢糧之數
故加銜游擊周之望贈 府都督僉事廕子立祠
貴州思恩叅將李應祥為四川松潘副總兵仍故地以應祥
諱悉夷情也

兵部議於陣救回被擄二人者視斬級賞五十金著為令
乙亥南京太常寺候裁少卿陸樹德為南京太僕寺卿

壬寅 上御文華殿就講故事寒暑少輟 上勤學不怠也
癸卯祁州知州李際現虛報積穀千八百石被叅鐫三級調
左遷責科臣姚學閔等不言科臣引咎宥之

己未四川左布政使劉庠為應天府尹

七月戊朔 上祀太廟

罷瓜洲儀真各關主事併於南河郎中

乙丑范鳴謙等十四人為試監察御史

以杭嘉湖水災賑倉穀六萬四千七百八十八石

獲嘉知縣張一心報墾田戶俱抄舊冊被科叅降二級

丁卯派明年江西站銀以積羨足給也

己巳鑄貴州清軍兼理糧儲關防

福建福安縣大雨水漂人畜傷稼

甲戌巡按直隸御史陳用賓以淮安鳳陽等府災欲盡蠲逋租并停今年京邊漕糧以興水利戶部議格第沿河隨宜立間蓄泄從之

乙亥兵部議慎用武臣一嚴考語一公推用一重加職一嚴交代 上是之

丙子鑄廣 清軍兼督糧道及湖廣管理驛傳屯田閔防

戊寅命醫視張居正疾

裁湖廣廣東各官七十四員

庚辰巡撫陝西右僉都御史李克德劾免

乙酉代王為鉉請祿米食鹽舊戴罪裁祿三之一而會典食

鹽不許乞 上念為鉉已宥給之

裁廣西官四十九員

戊子蠲淮安揚州鳳陽積欠馬價

己丑光祿寺卿蕭廩為右僉都御史巡撫陝西

辛卯前太僕寺卿舒化為光祿寺卿

八甲午賜肅河王載塔樓額曰勉學高唐王厚煥書院曰思訓

丙申陝西提學副使王世懋予告

丁酉命汝南漢中各道聽湖廣巡撫節制舉劾

戊戌 上祀太社太稷

庚子 遼東定遼等衛雨雹如雞卵傷稼約百餘里

辛丑 陝西布政使右叅政王弘誨為右僉都御史巡撫延綏

督理軍務

戶部覆陝西撫按所叅州縣官積穀捏報各降斥有差

浙江 布政使張國彥為順天府尹

壬寅 張居正疾愈入謝文華殿

常胤緒襲懷遠侯

俺荅上表貢馬

丁未 揚州泰興海門如臯等縣大風雨漂没人廬止集

戊申 萬壽節會雨免宣表止八拜禮

己酉 諭選淑女備九嬪

庚戌 遣祭歷代帝王陵

辛亥 議南京倉糧足支七年以湖廣南糧明年至十二年本

折各徵其半

九朔 寅夜月犯天江下星

戊辰 湖廣廣元王憲懾久疾乞長子衍調署府事不許第代

行禮

辛未蠲青登東昌八年以上班銀

乙亥山東丈田民地原額七十六萬三千八百五十八頃今
丈出二十六萬三千四百八十七頃屯地原三萬六千九百
十五頃丈出二千二百六十八頃命撫按何起鳴陳功德紀
錄

丙子免湖廣故景府所派軍校月糧

戊寅織染局御馬監太監張奎請三宮及潞王公主等

段匹共十二萬工料給事中李廷儀言萬曆四年三月上供
止織二萬九千餘匹五月織大婚袍服又減三分之一止五

萬八千今該監胡為有額外之請耶今次第續織以進

少傅兼太子太傅英國公張溶卒

庚辰移靖州叅將於五開衛移辰州通判於靖州

旌京師烈婦齊氏翟思祭其思祭死絕粒以殉特命建坊

壬午設鄖陽叅將及下荆南叅政兼憲衙駐改鄖陽

癸未定四川兵馬錢糧原額官軍五萬三百三十人馬二千
九百二十三匹添設官軍三萬二千七百六人馬七千四匹
歲粟十一萬九千九百四十餘石折銀三十二萬九千八十
有奇

移廣西潯梧叅將於岑溪縣以撫插徐糧也

甲申保定總兵官劉鳳翔為南京後軍都督府僉書兼提督神機營

乙酉前巡撫河南右副都御史胡克臣卒克臣字安岳

人嘉靖進士素勵風節不屑依違時局士論推重三品未滿考特予祭葬

前南京工部尚書陳紹儒卒紹儒字南海人嘉靖戊戌

進士授戶部主事覈會議牧地減芻料十八萬金歷官中外俱有稱予祭葬

丙戌增雲南武定府學廩生五人

丁亥作潞王府及壽陽公主第

詔停刑

戊子臨清德州二倉積粟百萬石恐朽腐詔後收折色俟陳糧半放仍本色

免湖廣歷欠貴州協濟銀又欽賞絹改官解毋倉累民

是月總督兩廣劉克誨勦龍川縣妖賊鮑時秀捕斬三百四十九人俘五百五十九人

瞿九思曰一日縱敵數世之患此言魁不可玩也鮑時秀

始故撫民耳常其面縛請降豈自知有今日偃然侯王擅
置大總殆倔強矣哉語曰養虎貽患此言雖小可以喻大
大也

十月初朔 上享太廟

甲午新寧伯譚國佐署南京左軍都督府事

丙申定福建積穀額

慶雲見於宜陽河南巡撫褚鈇上其狀兵科給事中劉朝飛
言區、雲物聚散何常褚鈇區其災傷不聞故以慶雲媚上
不問

丁酉鑄山東清軍兼管驛傳鹽法道關防

戊戌定浙江兵馬錢糧原額官軍共六萬四千九百十二人
歲餉六十二萬六千九百十石添設軍三萬三千二百九十
人歲銀三十四萬八千三百十餘金

設南丹衛叅將二巡檢三

賑山西應朔渾源大同懷仁山陰馬邑蠲其征

鳳翔知縣王明累贖八金斃無辜六人遣戍

己亥成山伯王應龍為右軍都督僉書

東土藥料萬餘入鎮安鎮靖二堡分攻廣寧義州十三

山總兵李成梁擊走之斬十八級名酋二級
庚子土魯番天方撒兒馬罕魯迷哈密等國入貢
辛丑設連山縣置善巡檢司以右狼目莫京彪等願附編氓
也

革衍聖公孔尚志女樂二十六戶

世廟皇貴妃沈氏薨

壬寅貴州苗坪大灞等一百五十六寨苗民党民阿蓋等來
附更名其寨曰歸化隸都勻府
陝西鄉官任重任惟一怙勢殺人並遣戍奪告身

商丘縣地震

李如松為神機營右副將成梁長子

癸卯三千騎從寧遠長嶺山入圍連山驛李成梁擊走之

丙午前左贊善沈鯉直日講

戊申覈南畿書院六十有四並改毀惟留紫陽崇正金山石
門天泉五書院

琉球國中山王尚永入貢

辛亥誠憲伯劉世延削籍初南京兵科給事中
劾其玩

法及詆
皇祖明旨事下法司論死
上念其祖佐命功廢

為編氓許子世襲

裁軍夏鎮領班都司二員

皇陵奉祀官都督僉事蔣華致仕子光榮襲奉祀

乙卯禮部右侍郎許國為左侍郎少詹事陳思育為禮部右

侍郎仍直經筵日講

臨淮侯李言恭守備南京署中軍都督府事

丁巳以淮安鳳陽徐州田多蕪詔各署印官自明年始加墾

其衛所屯田不許混入有司開冊

戊午左春坊左諭德陳經邦為翰林院侍讀學士仍直經筵

日講

己未鄭王厚烷有疾世子載堉亦疾乞世孫翊錫代行禮賜

翼善冠服從之

十月辛酉朔南京右都御史劉斯潔為南京禮部尚書

逮河南知府趙于敏以輸京四萬七千七十餘金虧五百九

十六金錠式不依部樣也

乙丑總督兩廣兵部左侍郎劉克誨為南京右都御史大理

左少卿臧惟一為太僕寺卿

丙寅蠲金鄉魚臺今年水災田租

前少傅兼太子太保工部尚書雷禮卒禮字必進豐城人嘉
靖壬辰進士博物洽聞敷歷中外鼎建陵殿積有勞能雖言
官岑用賓等論邀寵保位亦終始自全矣
戊辰南京刑部尚書陳瑞總督兩廣軍務
許首滿五大及坡兒哈都台吉貢市如市以前部夷銀
定倘不浪等甘罰故也

癸酉許蜀府南川王讓榘孫宣醒襲爵時十二歲

乙亥南京後軍都督府僉書周鳳翔改右府西寧侯宋世恩
署前軍都督府事

脩泗州城外石隄以護陵

辛巳少師兼太子太師吏部尚書中極殿大學士張居正一
品滿十二年賜金幣勅勞之

壬午前戶部尚書殷正茂為南京刑部尚書

癸未命張居正支伯爵加工柱國太傅詹尚寶司丞
移漢中守備於鳳縣改沐官驛丞以鳳翔寶雞至漢中寧羗
山谷深遠多盜也

丙戌蠲賑真定順德廣平風災有差

丁亥許張居正辭伯爵上柱國賜部宴

增雲南歲進九成金千兩雲南始嘉靖元年徵千金至是再
加二千金戶部言民困上終半之

戊子酌免汀邵延建興漳泉驛站銀一年
己丑遣刑部司官卹刑京省

十
壬辰辛卯朔前鎮守貴州總兵郭成改鎮守四川

癸巳夜金土星合犯順行入危宿

甲午皇長女生

前南京禮部尚書林庭機卒庭機字

閩人嘉靖乙未進

士自庶吉士歷前職簡重著聲予祭葬

前貴州巡撫右副都御史蔡文萃文字

尤溪人嘉靖

進士庶吉士改兵部主事歷三品未滿予祭葬

前掌左軍都督府兼少保太子太保鎮遠侯顧寰卒寰歷事

三朝忠勤頗著予祭葬贈太傅諡榮僖

乙未以大田地緩松江知府閻邦寧池州知府郭四維安慶

知府葉夢熊徽州署印同知李好問各奪俸

丁酉徵太倉光祿寺各十萬金備賞賚兵科給事中萬象春

等言之不聽

定四川巡按贖銀輸部歲八千金陝西巡茶歲一萬六千金
已亥江西丈田原額外丈出六萬一千四百五十九頃五十
四畝

談遷曰江陵嚴細時俱迎合各省丈田務加額為功吾邑
用弓縮原額六寸至今仍之想各省亦然雖墾荒在內而
專於加額未始無工成之偽也

陳應詔嗣寧陽侯

庚子巡撫甘肅右副都御史栗永祿致仕山西布政司右叅
政王垓為右僉都御史巡撫甘肅

城太平府

辛丑太原潞安遼沁澤定巡撫辛應乾報遲戶部言辛應乾
報遲墮閣工德於荒政何裨焉今勒限夏災五月上秋災七
月上敢後期者罪之西北高寒登穫為緩稍寬其限報可
庚戌張居正請明春講貞觀政要從之

張元功嗣英國公

四川巡撫右副都御史張士佩叅西充知縣張學給事中秦
耀以形容太過非章奏之體蜀士佩俸一月
福建總兵官呼良朋廣西總兵官王尚文互調各還其舊

丁巳周府宗室勤熬於涓川與路某飲博并戲其妹見杖於
署縣照磨孫健於是勤熬赴訴於京 上怒早秩敢爾張居
正言涓川非封地又宗室不許越奏因下却行撫按果罪在
照磨自宜盡法若罪在本宗亦當放周王處治庶得其平
上從之

命章奏由通政司鴻臚寺母預

壬午萬曆十年

正月戊立春受朝賀

丙寅遣刑科都給事中周邦傑閱視薊遼保定工科給事中
蕭彥閔視延寧甘肅兵科給事中田大年閱視宣大山西

丁卯 上享太廟太常寺卿陰武卿作聲奪俸二月

己巳諭輔臣觀燈西苑

南京兵部尚書潘季馴上五事充營伍以重防禦定城守以
便責成裕作養以備選用清丈量以息爭端均兵餉以便操
練部覆從之

庚午巡撫保定右僉都御史辛自脩奏丈田清出一萬七千
五百八十餘頃

辛未南京兵部車駕郎中劉學朱江浦知縣余乾貞俱察處
揭辦禡職

通泰淮安三分司所轄豐利等三十場暴風雨潮溢滄二千
六百七十餘人銷鹽課二十四萬八千八百餘引

壬申前刑部尚書劉自強卒自強子 扶溝人嘉靖甲辰

進士授廣平推官遷吏部考功主事歷稽勲文選郎中遷太
僕寺少卿亡何出為陝西叅議遷山西按察副使誅叛卒王
慶遷陝西叅政按察使湖廣左右布政賑饑甲子遷應天尹
滿歲進右副都御史巡撫四川連平黃巾蔡伯貫之寇丙寅

進戶部右侍郎戊辰進南京右都御史戶部尚書並南京

庚午入刑部萬曆初致仕年七十五予祭葬

戊寅戶部題張居正子編脩嗣脩恪遵庭訓盡革親族冒免
者各省遵行清出人丁四萬四百八十餘人糧六萬三千八
百八十石有奇乞刊優免定例於石從之其跡頌美元輔識
者鄙之

庚辰戶部覆陝西總督高文薦條邊餉十二事閱丈勘廣招
採給牛種蠲舊逋酌起科處新餉查隱占築墩臺專委任昭
勸懲禁科歛寬期限其指畫屯田甚悉 上如議行之

辛巳先陽城王厚 薨長子載堉罪廢為庶人次子鎮國將軍載堃攝府事

壬午故南京禮部右侍郎殷邁巡撫貴州右副都御史陳洪濠予祭葬

復定大理寺左寺官六員轄浙江福建山東四川廣東貴州獄訟右寺官七員轄江西湖廣河南山西陝西雲南廣西獄訟

癸未前刑部左侍郎洪朝選卒於獄

甲申命各撫按提學官嚴鄉賢名宦祠之冒濫者不必奏請

以禮科給事中聶良言之也

以山西脩邊隔占應州民地一百八十六頃又邊墻壕窖占民地一百二十六頃三十畝豁其租

河南布政司叅議周有光先任寧夏兵糧道會恣見糾劾籍乙酉 上視朝諭閣臣百官袍帶多不按品時或咳吐並不敬閣臣請今後傳鴻臚寺及侍班御史犯者叅劾命禮部申明朝儀繡服毋明綠帶毋牙銀

裁陝西長岳靈武二監正開城廣寧黑水安定清平萬安武安七苑圍長改七苑為七監申飭馬政

予故大理寺卿劉望之祭墓望之四川
士歷官清操皎然

人嘉靖

進

丙戌大理寺卿張夢鯉致仕

是月吏部左侍郎王篆奏錄諸戍斥者於察吏後榜之示不
復收從之

王世貞曰諸戍人皆非外吏不當從觀察而戍者已重於
察吏不當榜即榜而異日安得以例杜其用也人謂君正
敏識人也而不悟蓋已知其不久矣

二辛卯陝西行太僕寺卿史嗣元劾免

脩蘭州城

壬寅割四川播州八司湖廣平清偏鎮四衛盡隸貴州及鎮
雄烏撒東川烏蒙官吏屬貴州巡按考察蓋兵部謂貴疏一
區蜀之八司襟帶於前楚之平清偏鎮四衛聯絡於後而貴
陽思南銅仁鎮遠及環抱於外黎平又在辰沅間與五開銅
鼓衛有鞭長不及腹之慮而巡按馬呈圖請之也

癸卯甘肅赤白雲見

甲辰裁湖廣澧州順林驛

丁未戶部言各省贖罰銀自萬曆九年至十年增舊共四萬

五千七百三十八金恐解數稍增餽用不減撫按必以多責
司道司道必以多責有司有司希上官指務多相勝罪一人
而連數人應無力而概有力止贖杖則擬滿徒當給主則擬
入官甚至罰干証科良民有司曰不加益則上官駭譟撫按
曰不加益則歲解不敷是本部清查贖金之議為殃民剥下
之媒朝廷富有四海何用此贖金為貪吏口實耶凡撫按公
費紙紅薪菜吏廩等項皆正項應支餘賞公差餽御官殊員
皇上禁貪責實之意 上命禁之
吏科左給事中史繼宗等言朝賀諸臣多託故註籍既誤隨

班兼廢職業

上因諭吏部近日各官升堂太遲過辰已尚

未公座復盛宴會堂官宜率勵勤脩稱朝廷勵精圖治之意

甘肅總兵官雷龍劾免

戊申 上東郊朝日

辛亥巡按蘓松常鎮御史魯士楚予告士楚倡張居正奪情
因斥編脩吳中行檢討趙用賢至是將按蘓松曰吾何面目
見吳趙乎遂引疾去

壬子太常寺卿陰武卿為右副都御史巡撫保定貴州巡撫
右僉都御史王緝為右副都御史巡撫南贛汀韶

甲寅南京太常寺卿李輔改北

禁外官儀從母越禮

宣府右叅將孫國臣為平羌將軍總兵官鎮守甘肅

初內承運庫以闕幣求浙直織各色紵絲紗羅錦布綾紬共
十萬四千四百九十匹工料都給事中李廷義言萬曆四年
內織染局題造袍段五萬一千餘匹八年九年又題造十三
萬餘匹工用固不乏也萬曆三年四年該庫坐派改十二萬
六千餘匹七年坐派三萬六千四百餘匹嘗用又不乏也且
織造踰十萬非金百五十萬不辦錢糧有正項安得云無碍

官銀若庫貯已竭則查歲造袍欠嚴行催督蓋加徵不如催
正供之易新派不如完舊欠之速上從之諭後該庫非甚

闕毋輕請累民

勅司禮太監李祐管浙直織造初工部以上用龍袍及各新
樣非民間所曉恐地方官錯誤乞遣該監擇一巧匠并金星
牙尺上怒其遷延故有是命

吏科左給事中史繼宸以宗籙自將軍至中尉祿遞減聽其
相生相養一無所禁宗女縣主以下儀賓遞減其半或減三
之一有司於儀賓優免其差徭會典儀賓充軍者待主君身

故發遣非法之平今後儀賓祀戎者議罰祿三之一贖待主
君身故另議廢不廢法章下所司

丙辰光祿寺卿舒化為南京太常寺卿

丁巳命陝西湖廣撫樓勘楚府牧地

應天府尹劉序為右副都御史巡撫貴州

戊午山西副總兵李貞為都督 總兵官鎮守陝西

太僕寺卿臧惟一為光祿寺卿

三 己未朔南京光祿寺卿鄭欽為應天府尹

築雄縣橫隄一里

庚申杭州兵變初杭州東西二大營月餉九錢巡撫右副都

御史吳善言奉例減三之一各卒有怨言至是訴巡樓御史

張文熙謂春汛且防海而月餉兼銅錢不便文熙好言慰遣

之善言示曰餉已減其不願兵者聽歸農次日遂大噪縛善

言於公署出而毆之文熙率各司吳憲等及巡鹽御史孫洵

工部主事王謙光先後至營曲諭始解以侵餉勒手狀而以

官帑給之乃散釋善言文熙以聞謂善言撫馭乖方兵備倉

事王許之都司魯邦游擊魯應陽不能馭衆各罰治悍卒宜

懲首惡 上命兵部右侍郎張佳胤兼右副都御史巡撫浙

江聽便宜行事善言放歸降王許之二級調用魯邦魯應陽
奪歲俸

壬戌太常寺少卿蔣遵箴為南京光祿寺卿南京太僕寺卿
陸樹德改北

南京戶部尚書王好問予告

甲子工御皇極殿傳冊制九嬪瑞嬪周氏淑嬪鄭氏安嬪

王氏敬嬪邵氏德嬪李氏和嬪梁氏梁嬪李氏慎嬪張氏慎

嬪魏氏

吏部文選郎中孫惟清為太常寺少卿提督四夷館南京右

通政林景賜為南京太僕寺卿

鎮江妖僧汪元英等謀逆伏誅

丁卯張居正疾求私宅票擬從之

太常寺少卿喬因阜為南京右通政

應天府尹鄭欽予告

己巳狼山副總兵侯繼高為南京右軍都督府僉書

庚午脩山西西中東邊牆墩堡

辛未以旱蠲諭脩省

癸酉遣司禮太監張鯨問張居正疾賜金百蟒衣一襲餘物

稱是

保定浮圖峪災

甲戌戒山西武鄉榆社和順賦額千五百二十餘石

宗籙條例成

丙子丁酉連犯亥寇義州總兵李成梁擊敗之斬獲百餘人
丁丑遣告郊壇祈雨

穆廟莊妃劉氏薨

戊寅潘王恬炫薨

己卯倭寇溫州官兵擊走之奪舟二俘五十三人斬五級溺

者甚衆

辛巳議開清江浦新河

癸未賜永寧長公主莊田二千二百餘頃

甲申陳應詔嗣寧陽侯

乙酉遣內臣問張居正疾

丙戌惠州河源博羅大水

丁亥禁游食僧道

是月貴州銅仁苗叛銅仁錯壤焚蜀其苗最悍數為患有龍
木哈點甚有司議令約制諸苗歲贍米糶魚鹽有差木哈得

漢物因役屬諸寨視官家外府也及老子龍倖受事爭兵帥
胡守仁不能制誘木哈賀歲杖斃之於是諸苗怨叛守尉頗
利啗之叅議秦舜翰以擒木哈自為功終敗

四戊子朔上享太廟諭禮部令民及時農桑毋游惰

鑄福建清軍兼理糧餉閩防

辛卯午刻大風霾

癸巳前南京提督操江右僉都御史張岳閑住初岳勸張居
正終喪居正銜之令自陳調外至是南京右僉都御史呂藎
吏科給事中吳瑄希居正意覈操江贖鍰劾其違例濫費并

及胡嘉謨降一級調外

戶科覆戶科都給事中姚學閔等所叅河南丈田冊報多虛
撫按褚鈇趙楫奪俸

甲午寧夏土軍馬景等作亂殺叅將許汝繼屠其家巡撫晉
應槐捕斬之國初故元部落楊尙兀馬火丹來降立靈州守
禦千戶所其屬駐瓦梁四里曰土達自耕食其壯丁充營卒
許汝繼新任法嚴失士心致變賊走半不城諸堡官軍分捕
三十餘人前誅二十八人
裁福建林燉驛

丙申前少師大學士徐階年八十閣臣請存問從之

浙江左布政使游季勳為應天府尹

顧承光嗣鎮遠侯寰從子

戊戌故南京兵部尚書徐斌予祭葬

保寧府地震聲如雷

庚子以旱停刑禁屠令群臣脩省七日

釋輕囚

壬寅廣西馬平等處犷賊韋王朋等謀叛殺千總

討平之

官軍

癸卯禁湖廣官違例謁顯陵

勅太醫院施藥時京師疫

乙巳順天府尹張國彥請豁房稅張居正擬如之有旨改擬

居正跡止不報

江西巡撫右僉都御史

回院

翰林院檢討劉楚先為脩撰編脩劉虞楚劉元震為侍讀

庚戌慶都伯杜繼宗以年老預乞墾價授武清侯李偉例請

上謂於例不合特予之給二萬五千金田十六頃亦創見

也

壬子傳制封德府常滌安仁王常派銅陵王新環靖安王載
烘福順王廷孺樂昌王

應天府尹曹大桂為右僉都御史巡撫江西
增歲貢木炭三百萬斤

丙辰夜堊見西北尾指五車決旬始滅

五戊午朔戶部議三事減稅契寬鋪行恤商人從之

己未周府輔國將軍朝進淫暴廢為庶人

賑惠州和平縣水災粟四千七百石

建寧淳安開化常山西安龍游江山並大水

己卯量減畿內今年田租

壬午魯府奉國將軍觀煇殺人廢為庶人

甲申起楊巍吏部左侍郎

乙酉巡撫浙江張佳胤杭州民變擒斬之賜飛魚衣一襲金

三十幣一雙御史張文熙金二十幣一雙

是月烏蒙祿榮烏慮二酋構兵初烏^蒙知府祿堂卒子祿墨嗣

祿墨妻世谷有殊色多計數專府事喇哈土官阿著卒妻曰

阿壞東川知府排來從女也髮九尺光可鑑亦專喇哈事所

產銀礦畜絲繒金寶數萬祿榮利之貨其侍者得幸世谷與

阿壞為媿妣知有銀礦甘心焉佯善阿壞陰兵之祿榮貌美雖私阿壞以烏蒙地大欲治其室會世谷如喇哈祿榮盛飾郊迎大悅之載以歸納諸密室憎其夫祿墨遣往烏撒陰令人刺之祿墨走水西世谷賂水西殺祿墨而祿榮遂據府治弟烏慮不能平數相爭烏慮奪喇哈亦通阿壞祿榮愈憾盡收其地世谷誑四川監司言祿堂死亡子榮實從子宜嗣監司按之世谷以賂獲襲烏蒙府素忌烏慮時走烏撒因阿壞以請於東川於是二府合兵數萬共攻祿榮殺掠無算明年檄安國亨母祿氏諭之乃定

貴州普定衛大水

六月亥朔日食

庚寅翰林院庶吉士馮夢禎為編脩

壬辰禮科給事中石應岳上科場六事正文體嚴防範重內簾定程式公選舉重廷對罷對策不稱者部覆從之

予故南京刑部尚書馮岳祭墓岳慈谿人嘉靖丙戌進士授工部主事歷巡撫都御史至今官上即位初存問素負清望兼著軍功士論重之

癸巳胡守仁為總兵官鎮守浙江

叛人綽力哥伏誅綽力哥故漢人勾水泉堡伏殺官軍者
甲午前少保兼太子太保禮部尚書武英殿大學士殷士儋
卒士儋字正甫歷城人嘉靖丁未進士選庶吉士己酉授檢
討壬戌直裕邸秩滿進右贊善兼檢討丙寅進洗馬兼侍
講丁卯正月擢侍讀學士二月進禮部右侍郎五月改吏部
戊辰進禮部尚書署詹事府二月壬禮闈五月教習庶吉士
十二月回部庚午進太子太保上即位中旨兼文淵閣大
學士尋加少保進武英殿辛未十月致仕士儋直閣忤高拱
又不從廷推物論薄之年六十一贈太保謚文莊予祭葬

乙未宣遠東之捷

張居正以疾乞休不允

丙申贛州捕盜通判改管兩關商稅練兵同知兼管捕盜

丁酉叙遠左功進張居正太師詹錦衣衛指揮同知張四維

太子太師詹百戶申時行太子太保寧遠伯李成梁世錦衣

衛指揮使兵部尚書梁夢龍吳允進兵部尚書兼右都御史

允及兵部尚書梁夢龍巡撫周詠各詹錦衣衛百戶賜金幣

有差勞鎮卒萬金

張居正再乞休不允

南京右軍都督府僉書戚繼美為總兵官鎮守貴州 繼光弟

戊戌中書舍人王繼光唐堯欽行人袁國臣陳燁孫瑋田疇

推官陳與郊阮子孝太常博士馮景隆為給事中子孝景隆

並南京博士雷士栢中書舍人洪聲遠黃鍾行人王世揚龔

一清江東之楊四知陳韜陳性學方萬山推官韓應庚鄧鍊

魏允貞毛在鵬楊鳴鳳知縣張問達孫繼先向日紅張應詔

張維城為試監察御史鳴鳳維城萬山並南京

己亥長蘆巡鹽御史曹一夔論鹽政九事清竊地豁重差禁

私鹽蠲積逋課私煎復鹽司更鹽場改富貴為鹽場新鎮為銀場從商便也

割沒銀繳引目官買餘鹽戶部覆惟官買餘鹽經題革有旨

食鹽當從民便今後聽商發買不必派發餘如之

鑄工部管理街道關防

庚子命司禮太監魏朝問元輔疾賜手勅慰留

壬寅冊封恭妃王氏 皇元子母也

太原平陽潞安大饑蠲年例贖罰八千金賑萬金并發倉粟

夜月食

甲辰遣司禮太監張鯨齎手勅諭太師張先生今日聞先生

不粥朕為深慮國家大計當為朕一言之賜一寶食物居正

力疲踈謝并上密奏蓋薦潘晟余有丁也

乙巳前太子太保禮部尚書潘晟兼武英殿大學士署庶事
府事吏部左侍郎余有丁為禮部尚書兼文淵閣大學士並
直文淵閣

武軍營左副將焦澤為南京右軍都督府僉事

丙午太師兼太子太師吏部尚書中極殿大學士張居正卒

上震悼輟朝一日命司禮太監張誠經紀其喪賜金五百
紵絲六雙紗羅紫布香燭茶米油鈔鹽炭有差 兩宮太后
及中宮各賜金幣如之賜祭十六壇遣祭謚文忠贈上柱國

詹尚寶司丞居正字叔大江陵人幼有異質年十四巡撫顧

璘試諸生首拔之曰此公輔器也贈金帶曰子他日且圍玉

詎止金其善自珍年十六舉於鄉嘉靖丁未進士選庶吉士

授編脩告歸七、八年絕跡有司嘗騎牛鄉間嘗騎牛入朝值

侍 裕邸講讀稱賢歷侍讀學士預脩永樂大典興都志

裕王即位進禮部右侍郎改吏部尋直閣充 世廟實錄知

經筵主會試歷禮部尚書轉吏部加少保兼太子太保至今

官人臣之位極矣性深沉機警多智數為史官時嘗潛求國

家典故及時務之切時者剖晰之遇人多所咨詢及贊政教

然有獨任之志受顧命於主少國疑之日遂居首輔迨攬大政助上力行祖宗法度上亦悉心聽納十年來海內肅清四夷輦服太倉粟可支數年同寺積金不下四百餘萬成君德抑近侍嚴考成覈名實清郵傳核地畝洵經濟之才也使其開誠布公持止足之戒敦寬大之風雖古賢相何以加焉惜其褊衷多忌小器易盈箝制言路倚信佞倖方奪情時威權震主禍萌驟乘何怪子身死未幾而僂辱隨之也識者謂居正功在社稷過在身家諒夫後數十年人追誦其功天啟元年復其官如制

于慎行曰萬曆初年江陵用事與馮瑞相倚共操大權於君德夾持不為無益惟馮藉太后携持人主束縛鈐制不得伸縮主上聖明雖在冲齡心已默忘故禍機一發遂不可救世徒以江陵推抑言官操切政體以致禍之端以奪情起復二子及第為得罪之本固皆有之而非其所以敗也江陵之所以敗惟操弄之權鈐制太過耳馮時可曰江陵在事振綱肅紀脩內攘外使天下晏然如覆盂不可謂無功其苞苴餽遺多卻而少受不可謂黷貨已論其他即江南諸郡所與相關通者惟徐相國家與林

太僕耳此外即箕器食莫有致者惟是好攬權而喜附已
則於賢者若擲沙遺瀟而莫之恤於佞者若嗜醴悅糲而
莫之厭故一時舉措多拂人意又其交內監以固位進珍
玩以希寵甚非大臣之道至於奪情拒諫彫甲其子而名
行大墜人心大失矣所謂君子有大道忠信以得之驕泰
以失之於斯驗哉

謝肇淅曰江陵行事雖過操切然其實有快人意者如沙
汰生員廢書院減郡縣去諸冗員是也至於久任稍若諸
守令禁勘合則若於行旅是以人多怨之至其結馮保以

收諸內監之柄北任戚繼光而不敢窺塞垣南任譚綸
而倭寇驚服其才智明決有過人者昔張乖崖謂衆人千
言不盡寇準一言而盡江陵有焉而末節驕奢縱恣以覆
其宗則亦不學無術之過矣

毛壽登曰江陵承顧託輔幼主身伊周之任寵眷稠渥前
古未有也天下固已側目其身矣而振綱剔弊海內披靡
又皆其誓沉族碎冢而為之者也雖欲避專擅之跡何可
得然公無所不可得之人主而奪情之役不以死爭摧擊
過當有容之度闕焉豈自信報主眷平物論蓋有非常之

功誠不屑區、形迹間飾款言塞衆望即海忠介有言居
正工於謀國拙於謀身諒哉上下數十年間墨衰視事楚
人兩見然江陵名差不正而人顧自思之矣

戊申頒暹羅國王印

己酉禮部尚書無文淵閣大學士余有丁充總裁及同知經
筵官

庚戌吏部左侍郎兼翰林院侍讀學士許國改吏部署詹事
府事

浙江道試監察御史朝邑雷士禎言滿晟久玷清華不聞亮

節初為禮部尚書穢跡昭著先帝嘗斥之其再起輿情共

惡皇上又斥之今一旦畀具瞻之任恐貪榮倖進者深有

以窺皇上之舉動也幸收回成命罷遣行人更擇耆碩以

昭平明之治上不聽給事中張鼎思王繼光孫瑋牛惟炳

御史魏允貞王國各有言晟遂跡辭令新銜致仕

談遷曰宰相莫大於薦人蕭何之薦曹參諸葛亮之薦蔣

琬其身雖沒矩矱不移江陵末疾篤所薦二相俱非偉望

豈向來特識以鬼錄蒙之耶聞其時勢彌留適上問以

後事王篆輩為善後慮覲二人代位群小合勢或非江陵

本意也

壬子臨淄王勤琰子朝望為濫婁所生降襲奉國將軍

新鑿淮安永濟河成亘四十五里賜總督尚書凌雲翼金幣

先是安南貢使遣通事范可久送至憑祥州土官李德勝等

苛索可久不可德勝率土目陳珠等入闕遂大亂可久自刎

是月胡婦大嬖只乞慶哈部妾同炒蠻盜邊殺掠事聞奪副

總兵陳文治俸三月張崇謙二月

瞿九思曰臣聞之曰薊門以險為邊墉臺聯峙而一騎時

復小入塞何哉說者曰邊長二千里有險易者通大舉

險者通步賊唯是大舉易禦鼠竊難防信哉是言也大嬖

只炒蠻之屬夫非我市夷與乘隙盜邊歲有之臣又聞

撫賞費我已增至二千五百餘金而諸酋無厭心乎朝

德而莫仇東賞而西馳甚乎哉諸酋幾自倦不然者夫豈

不知漢法之嚴峻也

是月有鳥鳴銅仁府學聲如雷

七朔辰朔 工享太廟

文宣府地額六萬三千一百三十六頃均糧十九萬四千九

百十八石

丁巳禮部右侍郎陳思育為左侍郎兼翰林院侍讀學士
起王遂兵部右侍郎

大學士張四維言入秋漸涼仍講訓錄報聞

庚申保定巡撫陰武卿請蠲保定等州縣萬曆七年以上草
料銀站銀夫阜銀 上從之

勒周府鎮平王府

勤煥自盡以斃兄謀兩妻也

辛酉命有司祭歷代帝王陵

右春坊右贊善沈鯉翰林脩撰沈懋孝主試應天
復濟南管馬通判

江南文田原額四十五萬一千五百八十頃五十餘畝多餘
九千五百四十餘頃各衛所屯田九千八百九十九頃
癸亥大出貴州額外民田十四萬二千三百十四畝屯田一
萬七千一百八十一畝

甲子左春坊左贊善沈鯉為翰林院侍讀學士署院事

浙江開化大水

廣西大出官民田七百六十八頃八十七畝

丙寅吏部左侍郎楊巍為南京戶部尚書左副都御史胡禎
為刑部右侍郎

蠲廬鳳淮揚徐萬曆七年以前驛站銀五萬六千九百五十
七金

丁卯城奉新萍鄉萬載三縣

故錦衣衛北鎮撫司僉事袁彬孫承恩襲都指揮僉事

戊辰提督京城巡捕署都督僉事李超為南京前軍都督府
僉書

陝西旱災

揚州太倉常熟上海崇明嘉定吳江大風雨拔木潮溢壞田
禾十萬餘頃漂二百餘家

己卯浙江文出田一萬六千一百十二頃十七畝軍田三十
四頃五畝有差

庚辰晉府與寧化王爭田撫按清大定歸寧化王
予故太子太保兵部尚書郭乾祭塋

辛巳兩淮鹽運使陳楠以貪墨削籍下臺訊

哈密衛都督同知米兒馬黑麻乞襲祖職許之

壬午初高淳副使張蘊知州張應亮陳時文憾知縣李永催
賦鼓愚民誣告之巡撫孫光祐以聞命蘊等削籍下臺訊
命錦衣衛護張居正歸塋

甲申命司禮太監陳政護張居正母趙氏南歸

翰林院脩撰黃鳳翔為右春坊右中允署國子司業

山西管糧叅政杜友蘭開荒實效遷太僕寺添注少卿專管
東路營

八朔子 上祀太社太稷

辛卯左春坊左諭德兼翰林院侍講朱賡侍講韓世能主試

順天

壬辰鑄雲南分守安普金滄洱海臨沅各道關防

乙未楊寅秋趙楷補選監祭御史

丙申 皇元子生恭妃王氏出

丁酉徵太倉二十萬金光祿寺十萬金備官賞戶部求約省
報聞

戊戌 上受賀皇極斂

授王道亨錦衣衛帶俸指揮僉事恭妃兄

己亥前巡撫甘肅兵部右侍郎兼右僉都御史侯東萊卒東
萊字 掖縣人嘉靖庚戌進士

丁未蠲涉縣湯陰林縣盧氏陝州新安澠池夏稅

戊申夜月入井宿犯大星

先是陝西宜君三水縣田民作亂官軍討平之

倭寇興化漳南官兵擊斬三十餘人

癸丑賑祁門縣水災發萬金賑延安綏德榆林三衛

賑寧夏

免保定河間真定順德廣平大名田租

甲寅工科右給事中王敬民上四事處積餘以備實用酌歲

造以省繁費禁冒濫以清匠役嚴稽查以懲欺玩章下所司

九月己雲南進年例黃金二千兩以後期詰問閣臣張四維等

乞寬宥從之

和川王府鎮國將軍廷望斃族弟廷堧賜死

戊午河南文出田一千九十三頃十七畝有奇

辛酉頒元子恩詔

壬戌上仁聖懿安康靜皇太后徽號

乙丑上聖母慈聖宣文明肅皇太后徽號兩宮禮成詔天

下

丁卯進張四維少師申時行少保各廕尚寶司丞余有丁太

子太保廕中書舍人

庚戌大同副總兵麻貴為征西將軍都督
總兵官鎮守
寧夏

癸丑總督京營彰武伯楊炳進太子太保
鑄崇文門通州草場各分司關防

己巳南京河南道御史郭惟賢為前翰林編脩吳中行檢討
趙用賢刑部員外郎艾穆主事沈思孝進士鄒元標
上怒其黨降外
山縣丞給事中尹理等御史印祥等疏救各奪
俸有差

庚午蠲陝西萬曆十年上苑馬寺馬價

隰川王府鎮國中尉廷徑匿名越奏廢為庶人

日講官陳思育陳經邦各加太子賓客沈鯉改侍讀學士加

四品服朱賡王家屏為左右庶子兼侍讀署坊局如故沈一

貫為右諭德兼侍讀

誅欵人楊文學文學假丹術游松江值闖人鄭喜
偽稱寧

府散誕王喜稱石城王府內使冒冠服私牌毆人死事發浙
江撫按擬假官律
上惡其情刑部引詐傳詔旨及私自淨

身律梟文學斬喜

壬午駙馬都尉侯拱宸攝宗人府事

癸未 慈聖發帑金二十萬太僕寺馬價三十萬勞各邊卒
甲申內官等監因慶典為工匠陳乞五百七十餘人工科都
給事中李廷儀言工匠有月廩自其常職名器至重榮以冠
帶已非其據加以俸級尤非其宜且近嘗裁冗員而一日陞
俸級數百冒濫太甚有限之財安能供無窮之費乎而吏部
不能爭後遂為例云

十月酉朔 工享太廟

丙戌 永陵昭陵寶城成
己丑鑄福建福寧漳南建南等各守道關防

己亥監察御史曹一夔論王國光并及張四維跡入留中遣
內臣諭四維毋介意四維跡謝求罷不許時上厲精求治去
留皆獨斷云初張居正薦潘晟位申時行上以偏張四維及
晟論罷馮保大怒曰執政無我嗾御史劾國光侵四維申時
行曰事迫矣謀發保客徐爵等表裡奸利狀
庚子前左都御史潘恩卒恩字 上海人嘉靖癸未進士
贈太子少保謚恭定

辛丑予德府嘉祥王常注民校二十人例也
癸卯張四維三跡乞休不允

進吳允梁夢龍太子太保加李成梁歲祿五十石陰武卿等
戚繼光各贜賚有差史完等逮罰有差以閱科舉劾也

甲辰太子太保兵部尚書梁夢龍改吏部尚書

乙巳山西道御史張問達劾張四維 上怒其瀆妄謫福建
鹽運司知事

浙江巡鹽御史孫洵上九事平徭役清逋併復丁壯甦困
寬鹽禁恤運軍僉旗甲收人才定疑貳其言多可採部覆從
之

庚戌命皇弟潞王歲祿萬石今在京且支三千石鈔萬貫

給旗尉六百人軍千人隨侍

辛亥謚潘王恬燧曰宣趙府江寧王載璜曰莊惠南樂王厚
燾曰康順德府涇陽王厚禎曰溫文

壬子總督陝西兵部左侍郎高文薦上延綏寧夏固原甘肅
四鎮圖說
癸丑南京禮部尚書劉斯潔致仕

是月四川討緬甸叛夷初緬甸酋莽瑞體生時值大雪其室
獨無旦夜有光及長沈鷲善用兵拓地萬里嘉靖間據擺古
威劫諸夷為永騰患是年死子應禮繼之益肆江西人岳鳳

游麓川冒為宣撫多民土目後遂自立懼討族應禮作亂永
騰大震

十丁巳卯朔總督蒞遼太子太保兵部尚書吳允回部

丁巳宣嶺南遼東之捷先是廣東數若倭而蛋賊梁定本復
購倭沃劫海上總督尚書陳瑞擊破之斬本家先後擒斬倭
千六百有奇沉二百餘艘無遺類建州屬夷王果遣子阿台
誘北犯孤山總督吳允追斬一百八十餘級并殲各五
十六人獲馬五百
免山西今年秋糧銀二十萬六千九百九十餘金

鑄貴州分守貴寧道新鎮道關防

乙丑協理戎政兵部左侍郎王遴為南京工部尚書

丁卯徵潞王婚禮金珠各色金三千八百六十九金青紅

寶石八千七十塊各色珍珠八萬五千餘顆珊瑚珠二萬四
千八百餘顆戶部告匱不聽

初四川永寧宣撫司土婦奢世統與署印土婦奢世續世以
女奢效忠獨否效忠死妻世統無出妻世續生子三異居爭
印仇殺總兵郭成叅將馬呈文會勘以千兵深入落紅世統
所居也世續亦以兵尾其後沙卜拒戰我軍失利成等因索

沙卜世統不從殺把總黃希忠等三人拘指揮禹嘉績仍聚
苗兵萬餘欲攻永寧泄忿事聞青成呈文戴罪 道萬一

貫奪俸三月

戊辰固安伯陳景行卒景行通州人仁聖太后父歲貢生柳
畏不失故步贈太子太保謚恭靖

己巳山東巡撫右副都御史楊俊民為兵部右侍郎兵部左
侍郎賈應元協理京營戎政

庚午潞王府第成

辛未 寇宣府新興堡游擊劉寅泰擊走之

乙亥初肅王緡嬭奏乞折祿莊田戶部言先懷王故絕折祿

莊田久抵甘固年例今肅王薨繼襲已久若復全祿違旨越

分臣實未見其可 上命半給之

丙子 元子命名常洛

丁丑免陝西萬曆七年屯糧

戊寅太僕寺卿陸樹德為右僉都御史巡撫山東

己卯閱視延寧甘固邊務工科左給事中蕭彥言肅州屢

掠番人攻我民寨傷我官軍歲無寧月臣目擊河西危急有

當亟議宜更將領易召募肅州連年多故諸番避居闕廟今

中逃回往、投兵宜施優卹之策、出入肅州涼莊鎮乘
間窺我虛實視我虛實、一旦渝盟悔將何及、上是之
癸未宗人府災

十、二月朔大理寺左少卿劉良弼為太僕寺卿

丁亥順天府丞趙煥為大理寺左少卿

賑西安鳳翔

戊子戶科給事中王繼元劾工部尚書曾省吾十罪勒免

己丑徐顯卿補翰林院侍讀

辛卯山西懷仁等王府奉國將軍聰濟等越關赴奏自嘉靖

四十年至今歲祿米給戶部請廢為庶人徙閑宅、上謂宗

祿久矣令所司措處每年量給二季贖免徙閑宅

山東道監察御史江東之劾錦衣衛指揮司知徐爵木逃戍

緣馮保門下濫叨武職擅入禁庭為謀、臣測并論吏部尚書

梁夢龍以三萬金託爵賄保移典銓又孫女許字保姪謝恩

之日即拜爵狎飲受命公朝拜恩私室非明時所有命下爵

於獄錦衣嚴訊下刑部梁夢龍已御史鄧鍊趙楷各糾之令

夢龍致仕

壬辰司禮太監張鯨署東廠是日江西道御史李植劾司禮

太監馮保十二罪當誅有旨保欺君惑國本當顯戮念效勞日久降南京奉御閑住從子馮祐等俱削籍張大受等降火者孝陵司香各籍其家初張居正卒上惡馮保左右知之以告御史江東之李植未敢即攻保先論徐爵果下獄論死乃攻保上曰吾待此踈久矣

順天府尹張國彥請禁收火耗收商稅各郡縣官玩忽者不時查叅報可

時遼左屬夷王台死仰家奴逞加奴乘間與虎兒罕赤仇殺令西黃台吉等陽助虎兒罕赤陰收白虎赤等自益巡按

御史馮允登以聞乞宣諭二奴各罷兵勿為西所愚如二奴狂逞洎圖善後之策上是之

瞿九思曰世傳海西為金遼遺種豈其然乎以臣而觀開原天所以限北也方王台時北最倔強卒不敢越海而飲馬於遼瀋東南豈非台能振其左臂哉及王台僂把其三獻王果則又未嘗不壯其忠烈也

甲午吏部左侍郎王景免先是巡按直隸御史王國論馮保招權納賄張居正沒令徐爵納其名琴七明珠九珍珠簾五金三萬銀十萬王篆魏保銀三萬王帶十謀領都察院篆奏

辨有旨調南京御史李廷彥復論篆貪縱不法令冠帶閑住
乙未行令太僕寺中路少卿郭汝瑄經理清水營互市兵糧
道副使劉克卿經理平中衛互市各納勅
丙申吏科給事中陳與知論禮部右侍郎陳思育太僕寺少
卿于鯨彘緣徐爵結納馮保朋奸當斥有旨陳思育留用于
鯨降二級調外已思育抗辨吏科陳燁又論其撻飾且發其
營私贖貨縱欲宣淫諸不法事其需索駙馬二千金又張居
正舍人游七憑藉呼吸製一手卷曰楚瀨欣賞徵諸臣詩文
連篇賀之謝以玉盃古畫屏帶與試賄舉查謙亨等遂免思

育回籍聽調

戊戌陝西道御史楊四知論故太師張居正十四罪大略謂
欺君蔽主奢僭侈專招權樹黨忘親有旨居正朕虛心委任
寵待甚隆不思盡忠報國顧怙寵行私殊負恩眷念係皇
考付託侍朕冲齡有十年輔理之功姑不問以全終始寵清
馮昕游七下鎮撫司獄仍諭廷臣各脩職業不必追言往事
壬寅四川道御史孫繼光請宥前編修吳中行檢討趙用賢
員外郎艾穆主事沈思孝進士鄒元標又南京給事中余懋
學御史趙應元傅應楨朱鴻謨孟一脉南京員外郎王用汲

從之

以開書路已吏科給事中陳與郊雲南道御史向日紅又言之有旨朕一時誤聽致降罰失中令俱起用復郭惟賢職許王國光原官致仕

南京太僕寺少卿張孟男為南京太僕寺卿

癸卯兵科給事中孫瑋劾左副都御史勞堪希張居正意殺故刑部左侍郎洪朝選其子洪競赴闕控訴堪飛書馮保廷杖幾死上怒免堪官遣戍孫瑋又劾太監魏朝東廠辦事官金言鄭如為馮保謀主下言等獄朝不問已戶科給事中

田大年極論朝不聽

嚴門禁

乙巳南京戶部尚書楊巍為工部尚書

太子賓客禮部右侍郎陳經邦為吏部左侍郎

四川道御史孫繼光薦前南京左都御史魏學曾養病戶部左侍郎胡執禮右僉都御史宋纁光祿寺卿賈王近太常寺卿溫純驗封郎中陳有年福建提學僉事趙參魯給假禮部左侍郎王錫爵聽降南京右僉都御史致仕順天府尹曹科浙江道御史朱光字章下所司

丙午山西道御史魏允貞言吏部為六曹之長得其人則斥陟皆當非其人則斥陟皆私陛下臨御以來張瀚王國光梁夢龍三易矣聞往者會推吏部先受意閣臣或司禮監名氏已定然後會推其知厚干請而進者十九德器才筭而進者十一乞今後慎之章下所司

丁未刑部尚書嚴清改吏部尚書時籍馮保家朝臣多交通獨無嚴清名上甚賢之

戊申賑延安慶陽平涼臨洮鞏昌四萬金時大饑

癸未萬曆十一年

正月朔松江地震

己未南京兵部尚書潘季馴為刑部尚書南京右都御史劉克誨為南京戶部尚書保定巡撫右副都御史陰武卿為左副都御史國子祭酒周子義為禮部左侍郎

辛酉享太廟京師風霾

壬戌諭內閣傳示邊將加備

御史張應詔劾南京刑部尚書殷正茂總督兩廣兵部尚書陳瑞皆魏張居正馮保命免正茂瑞官

甲子禮部右侍郎周子義兼翰林院侍讀學士充會典副總裁侍讀徐顯卿仍纂修召侍講于慎行

乙丑御史陳性學劾江西布政司叅政李選廣西按察僉事李宗魯先任諫垣結張居正蒼頭游守禮選娶其妻表妹宗魯娶其妻表從姑叙姻促席故相聞其事叱辱之相繼外補宜斥二臣雪衣冠之耻章下所司

御史毛在劾錦衣衛都督同知劉守有與同官李廷祿指揮張照郭尚友等奉命籍徐爵馮保張大受周海等家貨至移運隱欺上切責守有嚴覈奪張照等官查出

納賄濟惡並下鎮撫司獄

辛未濬韓冢口引渠出徐州工竣

壬申朝鮮入賀

御史陳性學言惜薪司太監姚忠所籍馮邦定金飾其表姪鄒勛求分毆死之南城黃御史提訊錦衣衛都督同知劉守有不發劾守有七大罪詔下姚忠司禮監

癸酉南京刑科給事中阮子孝論張居正王篆私其子濫登科第乞除名張四維奏張氏子並能文以連捷高第見嫉王篆二子不知其才宜覆試上不聽手批張懋脩等並除名

御史魏允貞劾兵部尚書吳先附高拱張居正賂馮保千金章下所司

復戶部總督倉場兵部協理京營

甲戌左軍都督府僉書崇信伯費甲金改南京右軍都督府刑科給事中馮霖御史韓國楨各劾總督陝西兵部右侍郎

高又薦附馮保娶侍郎王篆侍妾之妹交通賄賂命免文薦提督操江南京右僉都御史呂藎劾免

乙亥命科道會舉兩京四品以上官吏部酌用

丁丑諭閣臣閏二月謁陵

起石茂華兵部尚書兼左副都御史總督陝西三邊軍務南京工部尚書王遴改南京兵部廣西巡撫右僉都御史郭應聘為右都御史兼兵部右侍郎總督兩廣軍務廣東左布政使李江為右副都御史巡撫湖廣前巡撫保定右僉都御史宋纁仍巡撫保定

庚辰戶部乞停買金珠或量入太倉銀自收買不允

壬午前戶部右侍郎吳文華為兵部右侍郎兼右僉都御史

巡撫廣西

復順天節陽二巡撫御史王國之請

癸未貴州巡撫右僉都御史劉序巡按御史傅順孫各言總
兵郭成脅永寧宣撫司婦奢世統激變失利命按之

談遷曰郭子章黔記盛稱郭都督先為戚繼光偏裨平倭
有功威聲遠播故一至群夷震疊有出掠者密遣健兒十
數輩入深巢至折馘出不之覺苗以為神及按彈墨則永
寧之變不勝蕙茲之疑矣武人宣力疆圉非吸風餐露所
同而稔禍於夷婦固難辭賢者之責也

瞿九思曰春秋傳不云乎並后匹嫡亂之本也始效忠沒
時以索中裝遺世統以公館居世續母乃世續有大夫子

乎世續不借黨播酋則沙卜安挾大義哉名不正則言不
順臣獨謂續與統並名非是嘉耦曰妃怨耦曰仇然則續
與統豈不忠仇乎哉故曰牝雞之晨惟象之索皆非虛語
也

是月緬甸莽應禮糾衆攻姚關時叅將鄧子龍守永昌游擊
劉綎守騰衝

二明申朔張四維請十二日開經筵講詩易從之

吏部文選郎中蔣遵箴鑄二級御史顧爾行謫 典史

于鯨宣府巡撫都御史賈應元聽勘以刑科給事中田

疇劾之也

乙酉工部左侍郎陳道基為南京刑部尚書戶部左侍郎劉
思問為京右都御史

禮部右侍郎周子義為左侍郎

沈鯉為右侍郎兼管直

講如故大理寺卿辛自脩為兵部右侍郎大理寺左少卿趙
煥為南京右僉都御史提督操江

發太倉銀十五萬太僕寺銀二十萬抵補臨沅鞏昌平涼延

安慶陽起運額餉

廣東總兵官黃應甲為左軍都督僉書

丙戌左春坊左庶子兼翰林院侍讀朱賡改兼侍讀學士署
院事

先是工科給事中馮景隆言前南京兵部主事趙世卿以王
官考察閑住南京國子司業張位降徐州同知脩撰習孔教
降泉州推官量移邵武同知褫職乞復三人原秩又南京湖
廣道御史孫維城言前翰林侍讀趙志舉勸張居正終喪轉
廣東按察副使考察降解州同知吏部覆俱起用

南京河南道御史方萬山薦前國子司業張位南京右僉都
御史張岳並不附故相又劾光祿寺王蔚傳作舟鰲
納賄

並鑄一級調用

丁亥預卜壽宮下禮部工部遣視

戊子承天地震

南京右軍都督府僉書崇信伯費甲金提督操江兼管巡江
少保兼太子太保左都督薊永總兵官戚繼光移鎮廣東時
議其黨張居正兵科都給事中張鼎思謂有閩浙功故移鎮
林之盛曰戚將軍其安東南之績偉矣迄今士民思新安
即不得不推將軍獨怪將軍至浙時碌、未有名分宜子
與朝臣為市顧不倚冰山及召起北邊此時將軍功名已

震天下即不建尺寸亦可無憾乃竟以依違江陵招議何
哉豈以非得相臣心大將不可以成功將軍欲用所未盡
而姑為枉尺耶余嘗行邊一老弁語余曰此中大將最若
要人以為金窟文人以為墨莊不得不相加遺否則孰邪
翼之而孰游揚之又安能懸斗大印而擄老上由斯以談
則將軍之交汪張也不得已也持文墨議論者毋苛求之
哉

談遷曰江陵能盡人之才寔戚氏薊永間殆無北顧之憂
非戚將軍附江陵也江陵自重將軍耳餽遺固所不乏必

哥論其黨彼態羅不二心之臣難乎自展矣

己丑大學士余有丁吏部左侍郎兼翰林院侍讀學士許國
主禮闈

戶科給事中王繼光劾吳允交結逆保通覬將領侍郎賈應
元先開府時太平王鼎鉉被論議停封因覬九千金仍勒百
金為請封命應元勘贖罪允不問

庚寅通政司使倪光薦加工部右侍郎

辛卯工御皇極殿冊浴王妃李氏

總督漕河太子太保兵部尚書兼左副都御史凌雲翼為兵

部尚書協理京營戎政戶部右侍郎王之垣為左侍郎南京

戶部右侍郎王廷瞻大理寺卿劉志伊俱改北順天府尹張

國彥為右副都御史撫治鄆陽山東右布政使翟繡裳為右

僉都御史整飭薊州邊備巡撫順天

復故御史劉臺官贈光祿寺少卿還其賢後二十年議謚侍

郎郭正域謂臺遭詰畏禍先發制人非本心云不果行

御史于有年劾左都御史陳玠附權陷趙應元王用汲上

曰言官須究事實若不分人品輒恣排詆大臣人自危豈

成政體奪有年俸六月

壬辰夜月犯井宿

採民女三百人年十五下者一

大理寺右少卿邵陞為左少卿

甲午光祿寺卿臧惟一為順天府尹大理寺左寺丞商為正
為南京大理寺右少卿

禁富平蒲城朝邑私煎灘鹽

丙申徐州同知張位為尚寶司丞太僕寺卿劉良弼改光祿
寺卿

浙江巡撫張佳胤請宥故尚書趙文華侵餉六萬有奇上

以乾沒十餘萬而免之何以懲惡姑成其子慎思於邊

太僕寺卿劉良弼工部都水主事閻邦欽同欽天監副張邦

垣術人連世昌擇壽宮於天壽山曰潭峪嶺曰祥子嶺曰勒

草窪乞更選定命定國公徐文璧大學士張四維太監張宏
往閱并擇諸臣善地者

詔浙江總兵官移杭州初駐定海時杭州兵民再變也

鎮守居庸昌平總兵官右都督楊四畏改鎮守薊永山海

庚子禮部尚書徐學謨以南京刑部尚書陳道基通政司左
叅議梁子琦貴州按察僉事胡賓並善地乞徵擇壽宮從之

皇城內外設欽依把總分轄東西

前南京右僉都御史張岳降四川布政司左叅議

辛丑工部右侍郎何起鳴為左侍郎前工部右侍郎熊汝達

起原官前南京右都御史魏學曾為南京戶部右侍郎總督

糧儲前戶部右侍郎傅希摯為戶部右侍郎兼右僉都御史

總督漕運巡撫鳳陽巡撫南贛汀韶右副都御史王緝為南

京大理寺卿

南京國子祭酒高啟愚為國子祭酒

宣府副總兵董一元為署都督僉事總兵官鎮守居庸昌平

已未宣遠東之捷

河南巡撫褚鈇請留解京銀九萬補宗祿不聽命議經久之

策

辛酉勅武清侯李偉左都御史陳玠居守徽巡

山東左布政使楊一魁為右副都御史巡撫河南應天府丞

李已為大理寺左少卿

鎮守大同征西將軍都督同知總兵官郭琥致仕進左都督

給廩役

壬戌京師風霾

戶科都給事中蕭彥等言戶部停買金珠折價五萬輸內庫
金珠湊買非額也折價非名也乞賜停免不允

癸亥四川布政司左叅議張岳為太僕寺少卿浙江布政司
右叅議董堯封為應天府丞

甲子封黃台吉順義王扯力克龍虎將軍

署都督僉事寧夏總兵官麻貴改征西將軍鎮守大同

緬甸莽應禮祀永昌騰越殺掠亡箕命劉綎為游擊將軍鄧

子龍為叅將會勦

乙丑上謁陵奉兩宮行路王送於德勝門宿鞏華城

丙寅駕早發午駐感恩殿

丁卯詣長陵永陵獻陵景陵其長陵永陵以兩宮同往

泰州寶應雨雹如雞子殺飛鳥無筭

戊辰免宛平大興昌平田租

上詣昭陵裕陵茂陵泰陵康陵其昭陵以兩宮往所擇壽宮

祥子嶺陽翠嶺潭峪嶺勒草窪東山聖蹟山以次及之

庚午發感恩殿詣景皇帝陵禮畢駐大功德寺行宮

夜深星出文昌北行有小星三隨之

辛未還宮

壬申徐文璧等奏祥子嶺最吉 上諭禮工二部再擇
丙子御皇極門受朝賀

通政司左叅議梁子琦言張邦垣不諳地理臣另擇地二曰
皇山寺西嶺曰團山曰珠窩園命子琦同禮工二部官往
丁丑復南京兵部右侍郎

前巡撫 右僉都御史毛綱降浙江布政司右叅議

戊寅南京戶部右侍郎魏學曾為右都御史兼戶部右侍郎
總督倉場巡撫浙江兵部右侍郎兼右僉都御史張佳胤為兵
部左侍郎

分守沅岷副總兵李的為征西將軍都督 總兵官鎮守

寧夏

改鎮守薊州等處總兵關防先有總理練兵官也

楚王華奎奏西安州海刺都牧地已歸朝廷乞賜勅許之

己卯革南京錦衣等衛巡倉御史併於鳳陽巡倉

前少師兼太子太師吏部尚書建極殿大學士徐階卒階字

華亭人嘉靖癸未進士及第授編脩議易文廟木主執

不可諂延平推官遷黃州同知未任擢浙江提學僉事江西
副使召拜洗馬擢祭酒禮部右侍郎尋改吏部右侍郎進禮

部尚書直無逸敘撰青詞加太子太保庚戌請討加少保
兼文淵閣大學士歷少傅更十八年考滿進太師致仕高拱
脩却於階三子皆被繫拱罷事稍解階事上恭謹或有所
諉通夕不寐能以寬大當上意優假言路人得舒其意士
大夫多稱之好講學息過不替年八十一贈太師謚文貞廕
尚賢司丞予祭塋

馮時可曰文貞早貴譽望不過凡庸值相嵩既敗天下厭
政之濁亂稍自振濯與之更始嚮其德者因以歸德厥遭
亦幸矣方世廟操下如朱濕當事諸臣皆以不合被罰

而獨公終始無瑕疵然失於穆宗卒中多口新鄭秉政
幾罹大禍豈始以剗觚而終能正柄乎雖然黃臺之咏蒼
梧之行卒中止者以公推至誠犯顏色若登極二詔傳會
善意宿儒達士無以加矣卒獲忠貞之報耳哉

辛巳南京大理寺卿王緝為南京戶部右侍郎總督糧儲提
督鴈門等關兼巡撫山西右副都御史辛應乾為南京兵部
右侍郎巡撫陝西右僉都御史蕭廩為右副都御史巡撫浙

江
錄浙江定變功加張佳胤右都御史仍管兵部左侍郎事按

察副使徐汝陽顧養謙各陞俸一級

三朔申山西山東左布政使侯于趙李文為右副僉都御史巡撫山西陝西

大理寺以游守禮馮昕等獄上命追奪張居正贈官子錦衣衛指揮簡脩除名大學士潘晟冠帶閑住游守禮論死馮昕胡守元遣戍

乙酉翰林院侍講于慎行張一桂纂脩會典右庶子兼侍讀王家屏署左春坊印右諭德兼侍讀沈一貫署司經局印行取科道命舉貢知推選四分之一

戶部員外郎李三才言輔臣子不宜登第魏允貞言是忤旨請三才東昌府推官允貞許州判官

癸巳故代府永慶王鵬鈺謚懿簡韓府西德王融燿謚康惠華陽王承燁謚莊靖

鑄魯府寧德王壽鉞泰興王壽鏞德府清平王常濊印西河王府輔國將軍新堽新坏以謀奪嫡叔廢為庶人甲午四川總兵官郭戒免以永寧沙卜事被論

江西左布政使吳善為應天府尹免延安慶陽平涼逋賦仍三萬金賑之

丁酉策貢士李庭機等三百四十一人於皇極殿賜朱國祚等進士及第出身有差

復南京各部右侍郎太常寺卿懷隆兵備道

狼山副總兵沈思學為署都督僉事總兵官鎮守四川給潞王莊田二千頃食鹽千引

兩淮巡鹽御史任養心言四事革私稅革牙行禁私販浚運河部覆從之

乙巳復四川長武縣舊宜祿鎮有同知駐札裁之

禮部尚書徐學謨以張邦垣山陵六圖梁子琦八圖上各容

覆閱

丁未太子太保兵部尚書吳克屢被論致仕

揚州高家堰河成

巳酉渾源馬邑地震

賑山西三萬金

四 癸丑重刊古文真寶其書合御撰民誥三百十七篇

閣臣上昭仁殿弘德殿二箴

戶部尚書張學顏為兵部尚書

甲寅定國公徐文壁大學士張四維同司禮太監張宏覆閱

山陵

戊午陝西汧陽等縣雨雹鳳翔地震

大學士張四維憂去四維知王篆革推申時行意不自安時
作偶寒疾踰月四維語時行之客曰夫首相若四時之禪代
有春行必有夏何俟煎迫耶時行大恐四維已喉言官具草
先攻禮部尚書徐學謨學謨斥因攻時行奏將上以父喪去
重賂太監張鯨張誠諸用事者深言曰時行故黨張居正今
復得其金寶萬計為庇之上頗心動徐察其無他乃安
談遷曰蒲州之進由江陵及代柄務傾江陵以自見盡反

其所為所裁冗官秕政一切復之博博大之名陰行排擠
吳縣尚踵其故智使紀綱陵遲侵漁日恣吏貪而民玩將
情而兵驕國儲蕩然基無窮之禍彼蒲州者誠江陵之罪
人也

工科都給事中王敬民請省陶器時承運庫太監孔成言陶
器如奕局屏囀筆管盒爐等盒至二萬各器至四千確至五
千共九萬六千有奇

己未署詹事府吏部左侍郎兼翰林院侍讀學士許國為禮
部尚書兼東閣大學士直文淵閣大學士申時行請枚卜即

日立命

御史江東之論駙馬都尉侯拱辰子一誠占產命究之
庚申置皇莊即清河馮邦謙南城馮祐遺產也

鞏昌秦州地震

工部尚書楊巍改戶部尚書

勅旌周王在鉉益王珣劉孝友

犯細河及閔門

癸亥直隸巡按御史蔡夢說劾前軍都督府西寧侯宋世恩
侵占民田罷其任

己卯翰林院編修盛訥為侍讀

庚辰前江西布政司

參議李選辨聯姻游七事 上以察

處違例削其籍

移浙江監兌主事於湖州

南京道御史孫維城論刑部右侍郎胡禱前操江時屬

太平府同知龍宗武殺宣城諸生吳仕期以媚張居正 下
所司初居正奪情仕期間之欲上居正書徧告於人未行而
狂生王制偽為都御史海瑞疏排居正疏刊布之檟下仕期
獄令脅招脩撰沈懋學所授龍宗武頗為懋學辨得不累而

仕期瘵死獄中

前南京吏部尚書趙錦起原官吏部右侍郎張士佩為左侍郎禮部右侍郎沈鯉改吏部

辛巳把漢台吉出獵墜馬死子朝木台吉襲昭勇將軍

瞿九思曰天道無親嘗與善人若把漢台吉首款塞後至擁精騎於塞上秋毫無所利可謂善人非與卒之身死未

一載而拙力克輩卒然有其妻此豈無天道之極哉又聞

把漢孫之子幼胡中每言及輒涕泣此必有以感之者

鄒均襄陽穀城光化宜城鍾祥景陵潛江沔陽荊門漢川俱

大水

命厥衛緝事如勅旨行

是月官軍敗莽應禮斬六百四十五級

五壬子朔禁外官溢罰

丁亥巡按陝西御史陳薦議捕盜條格下刑部部覆萬曆二年條格著為令

已丑示閣臣百子圖俾賦詩

定遠侯鄧世棟署南京前軍都督府事

刑部右侍郎胡禎廣西布政司 叅議龍宗武免尋吳仕期

婦育氏訴冤檟永成貴州宗武永成雷州

庚寅以故侍郎洪朝選婦朱氏訴冤左副都御史勞堪免

談遷曰洪侍郎勘連王憲熾頗多鍛鍊辱其社及身死牢

戶謂勞堪為江陵釋憾意雖有之而連王死侍郎死孰重

孰輕天道亦未誣也

辛卯裁汀州捕盜通判

壬辰國子祭酒高啟愚為禮部右侍郎兼翰林院侍讀學士

巡撫廣西兵部右侍郎兼右僉都御史吳文華為刑部右侍

郎

戊申選翰林院庶吉士季道統

己酉提督京城內外巡捕都督僉事趙崇璧為鎮朔將軍總

兵官鎮守宣府

山西寧武關兵黨脅餉

六朝亥朔棗強王府輔國將軍克烜以稔惡敗倫賜死

壬子起吳中行右春坊右中允兼翰林院編修趙月賢左春

坊左贊善兼翰林院簡討

犯大靖等堡及黑谷關峰台寨蓋黑石炭忿敗復萬騎入

寇副總兵曹蓋逐卻之捕斬大相當

宣府分巡道議春秋駐赤城冬夏回鎮 上以原住赤城撫
樓遷歸切責之

鎮守保定總兵官都督僉事田福提督京城內外巡捕

甲寅夜派星自房宿南行至近濁尾跡燁散

乙卯薊鎮中路副總兵張爵為署都督僉事總兵官鎮守保

定

己未署詹事府事吏部左侍郎陳經邦禮部左侍郎周子義

教習庶吉士

免貴州逋稅

丙辰順義王妾大嬖只率所部六百餘人犯古北口塞外掠

我馬百七十餘匹殺夜丁十一人執我兵十七人事聞游擊

戚金提調陳泰奪秩

巡按宣大御史陳性學劾大學士許國衰劣不孚輿論國引

疾

庚申免沂滕等衛所屯糧萬二千三百七十餘金

夜月犯房宿

辛酉南京太常寺卿袁洪愈為南京工部右侍郎

錄遼東先年曹子谷海城寨功

甲子南京太僕寺卿張孟男為南京太常寺卿
乙丑賑卹陽襄陽承天漢陽

丙寅勅旌韓王朗錡孝行

丁卯以古北口失事議罰兵備副使張崇謙總兵陳文治

戊辰光祿寺少卿周繼為南京太常寺少卿

庚午四川按察僉事父穆為光祿寺少卿

命各撫按覈積穀實數毋虛費

辛未獲嘉等縣饑撫按先賑以聞 上切責之今後非大饑

極遠者俟報上賑之

賑河南陽武等縣

南京內守備太監張廷於 孝陵寢殿檀繫內官李濬被論

除名

甲戌謚益陽王憲構莊懿

丁丑起趙世卿禮部郎中不為例

命五軍營三千人採蘆葦供燒造

夜太白犯惑熒

七月己未犯大學堡殺守備端世武

吏部尚書嚴清致仕楊巍為吏部尚書

左都御史陳珩免

甲申司禮監太監田玉調內官監提督太和山兼分守湖廣
行都司給符驗關防印兵科都給事中張鼎思言宣德時始
命左監丞亦止提督自成化末兼分守按祖制提督本山原
非內臣內臣提督原非分守乞收成命專命專委提督禮部
遂鑄印御史蔡時鼎又爭之不聽申時行言先年柳朝譚彥
勅稿止提督本山事務今兼分守已撰上昨諭攷先年王佐
呂祥勅王佐稿佚呂祥稿果與柳朝不同柳朝在隆慶元年
今諭增分守事權有會同撫治都御史督令軍衛有司量調

官軍民決等項云云

談遷曰江陵為刻削其所裁置寧無一當者而必欲盡反
之若窮奇擣杙之不可一日安嗚呼人各行其臆未嘗酌
事之平也

乙酉命戶部浙江江西福建山東山西河東四川陝西雲南
貴州等司禮部儀制祠祭主客等司兵部武選職方等司各
復主事一車駕司添設主事一刑部浙江江西廣東廣西河
南山西四川雲南貴州等司各復主事一工部營繕司復設
重城負外郎一屯田司復設基臺廠主事一通政司復左通

政大理寺復左評事一太常寺復博士一典簿一協律郎一
贊禮郎三司樂七順天府復管軍匠通判一光祿寺復典簿
一大官署丞一監事一太僕寺復西路少卿一寺丞一尚寶
司復司丞一上林苑復蕃育署良牧署各錄事一戶禮兵刑
科各復給事中一行人司復右司副一行人五中書舍人科
復舍人二詹事府復錄事一

丙戌復南京戶部湖廣江西司員外郎一山西雲南司禮部
儀制祠祭司刑部浙江湖廣廣西司主事各一工部營繕司
員外郎一虞衡司主事一通政司右叅議一大理寺右寺丞

一左評事一太常寺贊禮郎一山川壇祠祭署奉祀一鴻臚
寺鳴贊一序班二應天府管馬通判一

丁亥應天府丞董堯封為右僉都御史巡撫甘肅

北黃台吉嗣封成加總督鄭洛兵部尚書兼右副都御史
談遷曰江陵時吳先出鎮薊遼待其平速把亥始進尚書
所以勸功也王嗣爵亦恒事耳督臣何功之有齊以金
幣足矣吳縣不惜名器類如此

戊子戶科都給事中蕭彥等上五事曰積穀州縣積穀制也
郡積穀非制也撫按贍罰解京者亡論其二分備賑與司道

贓罰并付有司通筭可也曰商稅河西務至張家灣百里之內轄者三官一貨之來權者數稅夫舡料舊也條舡非舊也出店入店皆稅非舊也淮安四稅理無重複均可罷也曰催科令錢糧完不及九分住催又宿員帶徵是一年完十分以上也如九分之議則不得復筭帶徵曰鹽法河南水患鹽花生不生澆洒日行則鹽糧日薄今陝西苑馬二池亦河東所轄鹽積着丘山試舉而轉移之今商人納銀河東支鹽陝西之二池三年之後不為例可也曰邊儲榆林四望不毛災荒日甚宜借用客本建廠則收寧夏餘糧東則收興臨保德餘糧以待不時之乏戶部覆從之

已丑復山東督糧道叅政一光州管馬兼捕盜判官一臨清兵備改兵巡東昌道曹濮兵備改分巡兗州道沂州濟寧二道併馬復山西糧屯道右叅政一太原府鹽收同知一代州監收同知一徐州管糧判官一沁州巡捕判官一予故光祿寺卿裴天祐祭葬

庚寅科道會舉京官三品外官方岳以下汪文輝岳相陳有年王鑑等三十九人宜昭雪用之下吏部酌議命勇士四衛二營馬仍太僕寺印烙

賜靖江王任昌墳價以不與郡王同也

辛卯夜月犯建星

免蘓松去年祿米鹽布等銀四萬四千二百有奇

山西總兵王國勛兵備

邢玠奪俸以兵器也

予故工部左侍郎陳一松巡撫延綏右副都御史宋守約祭

墓

壬辰旌魯王願坦仁孝

乙未屬夷小阿卜聲犯黑谷關總督周詠巡撫翟繡裳言堵

截功巡按御史李植言歷邊見燒香寨殘毀寨敗堡言堵

截者謾也遂下屯田御史江東之會勘

左軍都督府僉事黃應甲以貪怯論免

戊戌成都督僉事山西總兵官王國勛為左軍都督府僉書

巡按直隸御史徐鳴鶴條陳邊務曰議貢市以圖永安實邊

城以固疆圉

大同右衛平宣府馬營須歸原衛以固防禦

買營馬以備戰兵處屬夷以杜後患

屬夷既遷內地宜比於

脩民堡以防患酌清勾以需實用寬脩土以息軍力兵部

謂降夷開糧後將無措清勾之法乃祖宗定制餘如議

庚子南京吏部尚書趙錦為左都御史南京兵部尚書王遴

為戶部尚書

辛丑太白晝見

命申時行同定國公徐文壁太監張罷覆閱壽宮

徐文煒嗣永康侯

神機營右副將都督僉事李如松為總兵官鎮守山西

禮科左給事中牛惟炳陝西道御史赫瀛等言元年六年收

閩者六千餘人本年二月奉旨驅逐今復二千人皆昔所驅

逐也章下所司

壬寅諭禮部朕九月往天壽山秋祭

癸卯夜月犯井宿

移金州治於城南三里避水也

甲辰南京工部尚書畢鏞戶部尚書劉克誨改南京吏兵部

免四川鹽井塌毀者課九千五百餘金

計蘓常松江本年應免白糧一萬六百餘石而白糧系正供

撫按奏免漕糧抵之報可

丙午命甘肅行太僕寺卿仍兼按察僉事駐鎮城總理屯田

鄉兵兼轄甘涼肅等馬政并通鎮驛傳不設改陝西按察副

使駐莊浪整飭兵備兼理莊浪西寧二道馬政

丁未刑部左侍郎劉一儒為南京工部尚書

賑臨沅平涼鞏昌饑發帑金三萬

浙江江西旱

兵部言南京額軍十二萬今見在三萬四千二百有奇宜行南部樓後湖老冊逐一勾補從之

伍捌

伍捌